

西園存稿卷之六目錄

七言近體

送吳養志老師

崧臺夜眺呈董待御

登玉虛宮

九傲堂夜酌

初夏書日雲臺燕集

九日發榕溪入五羊

曾元陟鏗然亭讌集

冬日過曾元陟草堂賞菊

送館師

謝嶺西王積齋觀察

廣陵孔融宅懷古

梅花閣懷古

雷塘懷古

登桐江釣臺



報家仲蔚見懷三首

秋興八首

過石洞贈逃庵主人

壽葉化父六十有一

朱明洞餞別鄧明府

壽趙潑陽老師

携妓遊東山寺

答謝潮州守徐宗魯序

病中寄懷王司理

譚永明翟從先過訪

題捧日瞻雲圖

秋日載酒過韓寅仲

病中董廣文懋賞韓寅仲狂訊賦謝

答潮帥江參戎二首

秋日友人見訪得八字

答韓伯舉九日見懷

元日試筆柬同社

守歲二首

初春偕社友王印大夫

黃周士招飲水雲亭

初秋社友夜過寄憶軒

贈范比部出守京口

贈郭比部出守括蒼

送王民春歸楚黃

奉謝李對庭詮部

韓寅仲獲雋鄉書志喜

拜官中秘

送韓叔捷入覲還舟

送吳允兆太學歸吳

夏日李太保招飲未赴

寄海陽令魯子與

訊胡孟弢博士

寄海陽顧廣文靖甫

贈胡元瑞孝廉

人日西省寓直小酌

題毛進士大父中丞墓 夏日過訪無際講師不遇

贈翁心吾 慈因寺齋集得環字

登東昌光岳樓 次澱水東懷方翁恬

雨中登獅嵒寺 入武彞顧明府送酒

雨中遊武彞山四首 入武彞候黃丘二文學

阻風金山東吳司理 泊京口留候李觀察

渡京口遇林太史南還 登惠泉寺

從惠泉寺泛梁溪 載酒東山各賦

改席歸伯儀迎薰閣聽主人彈琴

延平陸太守招飲賦謝 上巳日黃岡驛憶家

寒食次清漳 賀李觀察叅豫章中書行省

重過七星巖 伏日集崧臺得來字

李叅知招集斗魁臺 大慧寺社集

五日天壇社集 八月十四夜聞警

壽于大宗伯六十 校書秘省呈三閣師

送李宓瑤令寶安 送盧少從檢校江藩

題眉壽六封卷 夜行烏堦道中

自玉峽驛馳憩曲水館 峽江公署

上蔡公署候月

正月十五夜止宿海昏

再過東林寺

黃梅道中

過潛岳望天柱峰

贈黃荆卿太學

護城驛遇雪

贈竇淮南叅知

古廬奉晤陳司理

宿紅心驛候區用孺報音

過三歸臺望穀城山

瀛海樓晚眺

使還都門志喜

使還長安柬同社

陪祀山陵宿瑞光寺

夜宿坑口

葛陽道中

贈衢州太守張七澤

投謝胡定海明府

元日率兒輩登臺拜先塋

再期遊旗峰不果

壽韶州陳太守

贈董歸善治行第一冊

壽胡太守

懷承庵姚明府

賀徐太守得雄

贈別林敦夫還閩

寄福唐郡丞蔣公鳴

別朱觀察

人日韓緒仲招飲

邀集社友南山觀瀑

壽澹守老人

謝別鄭台擢

贈海豐何學實明府

李伯東方伯過訪留酌

用韵答立文學

送劉觀國少叅入賀還武昌 小集大忠祠

答朱惟四文學 庚申巧夕遇雨

賦別直指王虞石還朝 九日偕友登百尺樓

用韵贈李伯開 答夕佳亭主人

懷夕佳亭主人 蕭給諫社集對月

秋夕與韓伯舉寅仲泛月 九日槎江

留題平山驛 冬夜泊海珠寺

壽史緯瞻觀察 答史緯瞻觀察

入郡謁謝史緯瞻觀察

西園存稿卷之六

羅浮張 管孟奇甫著 元孫紹瀨來孫國樞補闕

七言近體一

送吳養志老師擢建昌同守

四百峰頭暫解機 咲將新酒瀝斜暉 蟬鳴古樹秋

悲咽鷺過溪田雨 驟飛江上好風催 去掉吳南老

父候來徽飛雲此 別空為憶更有何人最振衣

單車天外訪羅浮 四十專城未白頭 桑下雉馴嗟

魯令門前桃盛憶 潘侯霜帆曉挂寒 雲斷野旆晴

翻古樹秋想到盱江詩興好何人同上偉觀樓
山城秋盡一江橫五兩牽風拂去旌暑雨棠陰人
共愛波流帆影月同清離筵歌舞花叢散候騎旌
旗雪隊迎到日盱溪逢竹馬只應歌詠伴猿聲
江門祖帳挂寒暉雲繞南天水驛微好鳥飛花迎
畫鼓輕風吹浪濕鎗旗模糊曉樹含烟出縹緲霜
帆帶雨飛從此羅浮秋寂寞高軒誰復過柴扉

崧臺夜眺呈董侍御座主

崧臺高鬱映清秋萬里烟光一望收樹暝半含漁
火出潮聲低送戍笳流月浮端水龍銓合霧捲星
出鶴夢幽遊子正歌王粲賦却驚霜葉下橫州

登玉虛宮

何年南極墮鴻濛忽化丹梯數萬藂石恠雨頻苔
跡亂崑高風迴嘯聲雄崧嵐晚合來金闕卽玉虛宮峽
瘴初浮繞綵虹宮外雙橋自愧此遊渾未定漫題名姓
玉虛宮

九傲堂小集水上人胡鶴師車道龍夜酌卽
席得一先

開尊刻燭思踰躑況是支公入洛年大隱自容湖
海傲小乘慙縛碎支禪生涼漸覺樓當月來爽遙
看樹覆烟說到浮生俱不繫空餘慧業未全捐

初夏書雲臺讌集興劇評棊狂來攤句因步
唐人韻倚尊留壁共紀快遊

躋攀窈窕蔭葱蘢茗臼敲殘局未終底說清尊傾
北海且拋轟飲競南風香薰逕草渾能碧色烘
榴半欲紅日暮暑消修竹暝鶯聲猶滿白雲中

九日發榕溪入五羊

閒居賦就下西州畫鷁翩翩狎野鷗兩岸山光堪
對酒片帆明月正宜秋尋源欲問君平卜去國疑
乘范蠡舟爲語東籬花莫放王孫不是遠行遊

曾元陟鏗然亭讌集同陳用休韓伯舉舍弟
仲蔚分韻賦

主人出韻客出詩杯盤狼藉空猶爨莫將窮愁塞
酒眼且付狂藥澆詩脾春榷娑娑日正午風筠娟
淨墻高吹客到鳴琴不忍去陶陶臥看浮岡曠

冬日偕潘元偉何俞之暨舍弟仲蔚過曾元

陟草堂賞菊得千字

東籬搖落半荒烟，羨爾閒亭晚尚鮮。客到白衣諸

子皆堪共醉花芬，綵筆轉堪憐。河陽色滿從先競

潘令官閣風和亦後妍，何郎但取寒芳宜野珮。新

詩何用牘三千，出文粹

送館師

鱗魚初上荻苗肥，潦倒江亭濁酒卮。授簡正逢懸

塵後，論心長憶碎壺時。共期夜氣雙龍合，無恨波

光獨鳥飛。莫向天涯惜離別，司樓曾擬上林枝。

謝嶺西王積齋觀察

風流江左羨芳譽，薦士黃金滯石渠。奏賦不逢楊

得意，凌雲誰識漢相如。幾年道路空存舌，此日風

塵且曳裾。但使向人肝膽盡，不妨歸去食無魚。

廣陵孔融宅懷古

余聞廣陵蓋有孔融墓，云然融為路文蔚

枉狀時被收，許下非是及李文饒。賦中又

言廣陵有高士坊，相傳孔融所居處。舊有

宅有臺，文舉生漢末。躑躅袁曹間，猶象星

之有北辰百穀之有黍稷也文舉常嘆曰
坐上客常滿尊中酒不空吾無憂矣及讀
其舍藏山陽張元節母子兄弟爭死縣廷
時文舉總十六耳文舉而在余欣願爲之
執鞭焉史乃訾其才高意廣迄無成功嗚
呼恨不見其治北海時也然文舉好士常
獎其故吏郗鴻豫輩自謂不減趙衰公叔
文子而構文舉者鴻豫也悲夫

高臺木末起悲風故宅蕭條漢孔融碧草有情遲
落照青山何處吊孤忠前村烏掠半溪雨隔岸潮
生遠寺鐘往事憐君那得醉一尊寒色楚江東

梅花閣懷古

宋水部何遜初爲廣陵記室咏早梅詩傳
于世故廣陵有梅花閣今莫攷其處然遜
何物廣陵梅花託以不朽此亦余家羅浮
山下縞綃美人綠衣童子歌舞趙師雄夢
中耳余嘗爲移文想廣陵花神亦當輦捧
偶來官閣看花地載酒尋花一愴神江上笛聲渾

欲落隴頭花信幾番新
寒香似逐潮初去清影空
憐月半輪却語當年何水部
好將春色倍還人

雷塘懷古

隋煬帝墓處也悲夫彭城閣之難槿以牀
簣耳陳稜守江都始克墓於吳公臺下幾
不掩齒矣帝嘗曰卽有事亦不失爲長城
公今何如也入唐乃改葬雷塘雷塘卽漢

雷陂

八月清霜折露荷棠花吹老晚烟多
春風錯恨寒河柳水調空殘湖上歌
隴首草腓狐對語江頭蒲綠鴈類過
可憐日莫行人盡野水無風秋自波

登桐江釣臺

高臺寒傍萬山幽玉削中天爲碧流
雙足已聞加帝腹一竿何事老江頭
翻風絕壁鳴丹葉蹴浪歸帆起白鷗
歲晏正淹臺上望浮雲直北不勝愁
毋夫人遣急足入長安促就子舍從
括蒼以家沖蔚見懷詩至正余與仲蔚
戊戌長江泣別日也時余亦以迎養引疾者一月矣仲復

囑余歸當握手武夷山下循陔在原之感黯
然對深因以三詩報焉

遙槭曾寄憶兄詩到日驚逢別爾時骨傲可堪微

祿縛山深偏與冷羶宜仲署在括蒼山中自題其門日一羶官舍冷三徑子

於共憐陟屺枯雙目誰道奔林戀一枝但使夜光

分在握希珍何用賈胡知仲來詩十年暗擲鮫珠盡肯信中原有賈胡

淒斷當年說絕裾却從天外寄雙魚數行別淚他

鄉夢萬里離愁隔歲書離家兩年始得今耗有弟正淹秦博

士一官猶待漢公車亦知身隱文焉用悔向金門

獻子虛

輟直經旬唯伏枕正逢白髮促歸裝已拋方寸同

元直誰復名居問翳桑薊北飛花春有恨天南落

日鴈成行歸期正及萼芽茁遲爾班荆九曲傍

龜興八首

城上西風急暮笳遙分秋色到天涯霜高漸滿烏

啼月地煖猶驚蝶護花近水有時聞落葉遠山終

日傍晴霞從今莫負尊鱸約何用虛隨奉使槎

其二

寒色高樓浸畫屏
蕭條門巷書常扁
林邊一水西來直
檻外群山北向青
落日蒹葭秋漸老
懷人風雨洒初醒
多情不爲憐雙鬢
自古情多鬢易星

其三

雲淨天空大火流
蘆花楓葉正悠悠
愁來昨日非今日
病起逢秋始當秋
空說洛陽曾哭漢
亦聞元直不歸劉
如何九辨悲無限
却向西風十二樓

其四

孤城落木起悲風
海國烽烟夕照中
北去關河三匝險
南來機杼萬家空

其五

野郭寒生橘柚香
江空九月未成霜
青塘樹杪烟初碧
白鶴洲前日易黃
故態豈堪新態劇
新交不及故交長
自憐踈濶終多病
莫數天南鴈幾行

其六

流螢寒照總帷空
淚濺黃花綴故蓂
鴈到巧先孤枕畔
夢來偏向五更中
吹霜柳帶銷殘碧
浥露蘂

西園存稿 卷之六
衣墮晚紅爲憶湘靈江上曲正隨明月嫁秋風

其七

慘淡青衫十四年書成不向國門懸三聲實下千
山淚一日空操萬古權閉戶慣邀題鳥筆浮家新
買釣魚船五湖未去秋將莫澧芷湘蘭正可憐

其八

無數疎雲出絳津秋風吹笛浦西鄰斜陽黃磧調
生馬遠水輕鷗狎白蘋債爲凶季成子母藥因善
病識君臣歸來長鑱渾無恙南阮于今未是貧

過石洞贈逃庵主人葉化父

白雲深處獨移家三徑蕭條兩鬢華授訣已知還
九煉尋僧又欲演三車新題徧石間生篆古木經
秋亦著花老去笑君逃夫得初衣猶自染煙霞
壽葉化父六十有一

餐霞漱石枕潺湲蚤遂初衣獨閉關問世莫論秦
甲子逢人驚說晉溪山亦知時論同推轂何事

君恩老賜環

時化甫被命特起

尊酒與君稱壽畢桃花莫

遣到人間

西園存稿 卷之六 九
朱明洞餞別鄧敬軒明府入 覲便道歸省
時次公起官大司成

西風獵獵滿干旌
戀闕猶懸薜荔情
豈爲懷仙求大藥
總憐招隱緩王程
青山色借雲間鳥
綠酒晴邀鶴背笙
此去使君蒙上賞
泥途肯信老慈明

其二

陪驪僊令且攀轅
四百峰頭酒一尊
入洛定知將小陸
倚閭先喜見王孫
燈前夜話千山寂
樹底秋聲萬壑誼
春到桃花應有待
不妨重訪武陵源

壽元相趙淑師

禎符五百岳生申
台斗清朝握化鈞
赤鳥喜瞻無量佛
金輪時護宰官身
東風暖送薇垣色
南極光浮澱水春
安得孤根欣有托
漆園長伴祝靈椿

其二

延禧昭代領諸侯
劔履風雲最上頭
觀洛有圖來瑞鳥
中天望氣擁青牛
化調大七歸商鼎
祉錫元圭歛禹疇
魚水君臣原萬曆
功成何必赤松遊

携妓遊東山寺用故守張汝璧壁間韻留題

一徑盤雲疊翠巒晚風吹送客衣寒檐前萬井攢
青靄樹底千帆照碧湍僧定忽聞猿果落梵音初
散鶴巢安漫遊不是吹簫客亦向人間駕綵鸞

哈謝潮州守徐宗魯

有序

宗魯守潮三季於余無一日之雅友人王
民春適爲其李官乃數聞問士大夫相知
亦何必撫塵而遊哉夫招豈王商何妨齋
刺而僻同子勅竟失埽門宗魯乃良晤未
申心期遽結兼金克橐百里馳函不惜盛

牙更加卯翼卽本初之於玄德昌黎之語
楊憑無以過也何意古人復見今日柰經
伏枕遂闕報郵嗟此數行濶焉三月嗚呼
半世無書乃終夕切三台之望一腔有血
而長裾阻尺地之緣嘆御李之無從想依
劉以何日又安得不停江雲而三咽照梁
月而九迴哉故欲剖蘭心暫拋藥裹尚慙
芳訊徒罄蕪詞豈日王績之弃醅亦附奇
章之拍板云爾

雙魚迢遞到林丘五馬蹠蹠憶上游名世已須公
等在神交真向古人求青山舊業供高枕芳草離
情滯尺郵更喜偉長今入鄴爲言王粲欲依劉宗
時
魯入
覲

其二

梅花五月喚愁新短笛江城客獨顰海上干旄時
入夢尊前風雨正懷人多才自信官能傲結客應
憐祿亦貧塵世向來忒遇合好將雙劍問延津宗

前守
延津

其三

野濶春寒小閣虛蓬蒿那得故人書一函剝喙來
何處萬里殷勤問索居繡虎論文唯季重黃金授
簡愧相如思君月滿樓西浪翹首雲山萬疊餘
病中寄懷司理王民春跡篆揭陽

海天東望片雲舒憶爾鳴琴佐郡餘太學曾同文
季席葵門能駐信陵車別來祇問三年艾此去空
緘隔歲書岐路眼青知已在肯教歌鋏食無魚

譚永明翟從先過訪榕溪席上限韻時永明

西園存稿 卷之六
出塞從先疏李中丞寃罷歸

江上逢君說壯遊，片帆斜日到林丘。終童自媿纓
難請，定遠于今筆易投。樹底晚晴三伏雨，尊前涼
送一溪秋。臨岐倚棹憑雙劍，珍重寒光護客裘。

其二

抗疏長安且倦遊，風雲回首盡曹丘。誰明蕙苒千
季恨，莫挽機杼此日投。正憶梁園同賦雪，何來楚
澤獨悲秋。相逢剩有窮愁淚，莫向西風上客裘。

題捧日瞻雲圖贈林燮軒郡公

襟帷萬里正翩翩，遮道重誰借冠。季王滿乍迴懸
闕夢，絲毫初就陟岵篇。隼旟曉度千山月，熊軾晴
開萬井烟。講德只今堪擊壤，應誰解薦子淵賢。
秋日偕水上人韓伯舉謝可信載酒過韓寅
仲尊生齋卽席賦

蕭蕭短竹閒閒逕，片片浮雲晚傍臺。投轄不期三
客至，傳燈驚喜一僧來。尊前野色丹楓合，雨後秋
聲白鴈催。潦倒共拋今夜醉，相逢莫負菊花開。
病中董廣文懋賞韓孝廉寅仲枉訊賦謝

西園集卷之六
三
遲君伏枕纔三日念我移書忽數行豈有文園供
病肺何緣芳訊浣枯腸悲秋豈惜今年鬢感歲唯
添舊日方但使維摩能上乘不妨腰瘦沈家郎

哈潮帥江參戎二首

使君高誼故翩翩尺素遙城萬里天夢起文通毫
尚綵重來王翦鬢猶玄

將軍嘗中篋書罷闕特起

孤城萬柝寒

濤月小隊雙旌細柳烟珍重獨持飛動意論交何

必十年前

將軍無半面之雅一
旦走幣千里神交

其二

春寒初試越羅袍百戰功成珥漢貂銅柱已聞冤
蕙苴金盤何日薦蒲萄風翻落日朱旗直露切清
宵畫角高聞說雅歌能

前籌寧使至尊勞

秋日曾元陟韓伯舉賓仲見過得人字

千山晴色薄城闌隔岼丹楓葉葉新座滿常應不
速客尊開同是倦遊人西風豈爲悲搖落南郭干
今有隱淪多病喜逢朋輩健相過百遍莫辭頻

哈韓伯舉五羊九日見懷

不爲悲秋兩鬢凋總憐雙目斷征橈思君此日風

前朝何處同歸月下潮物候又驚籬菊放新愁都
向酒盃消書來想亦悲離索共聽西風一鴈遙

元日試筆柬同社七子

晴開高閣坐氤氳綵筆凌霄染五雲隔岼柔風勻
檻柳半簾新雨濕堦芸玉衡甲應三元曆銀漢魁
聯七曜文欲問明季花信好今朝春色且平分

守歲

深宵燈火照圖書莫嘆窮年是故余淑氣已隨南
斗柄春風先到北管盧明季定覺明朝勝此歲都
從此夕除却笑迎新無別物獨饒佳句當椒酒

其一

黃露晴吹玉律風寒暄一歲兩宵中盤供小摘春
前綠綵關新團臘後紅坐惜殘更非畏老戲隨舊
俗亦占豐蓬蒿尚有梅花在且囑癡兒莫送窮

黃周士招飲水雲亭用壁間韻

幕堞輕雲乍有無西風匹練曳秋蒲浪添小檻雙
旂穩色霽遙天一鴈孤世事祇憑棋局在浮生長
得酒杯俱裘馬十年憐共汝相逢猶愧尚冠儒

初春偕社中諸子謁上公車呈郡大夫

花濃柳嫩合江頭望入南天紫氣浮象逼璇霄龍
是劍春明珠海蜃為樓治平已覩翔神雀踪跡誰
能混野鷗日下黃金來上賞人間白壁豈虛投

其二

相將裘馬正翩翩南國于今不乏賢地轉洪流符

卯水邑圖經有卯水朝東之瑞舟同仙侶盡丁年

春風暖蹴桃花浪麗日晴生杜若烟倚醉乘春款

樂只春聲先到孝廉船

初秋合肥竇可揚江寧孫子孟陽顧一之夜過

寄隱軒留酌得十四寒時巧夕前二日也

日落平林暑正殘况逢詞客夜留歡鵲河喜近雙

星度梧井先驚一葉寒得句相矜敲短燭問奇莫

惜倒深尊風塵此日憐君輩滿地青山共鷓冠

贈范比部龍南出守京口

纓簪兩葉盡朱輪繡蓋翩翩覆繡茵異等為郎金

作綬廉名分郡甌生塵褰帷地絕三吳險擁傳秋

歌五馬新此去陪京猶咫尺股肱原重法曹臣

贈郭比部鵬海出守括蒼

使者黃金出漢京，括蒼佳氣日崢嶸。山迎露冕官

能傲牧，借秋曹境自清。獻賦不煩推北海，李邕知

封泰山以撤帷今復見喬卿，郭賀守三公賜服君

家事不獨能高治，郡名

送王民春歸楚黃時民春與余俱携家遊白

下而民春歸矣余尚淹留去住含悲用申短

律以贈行李

兩載携家共壯遊，畱君不住獨爨猶。名高鸚鵡當

季賦人去瀟湘第幾秋，肯信燕臺金已築。空憐楚

璞價難售，歸來尚喜庖刀在。且向墻東問蹇脩

奉謝銓部李公對庭

五雲晴色傍仙曹，綵筆題才爾獨勞。自喜登龍逢

李傅，絕憐啓事類山濤。天低玉壘秋河白，月滿金

莖露綵高見說在門，鸞鳳集可能羅網到蓬蒿。

韓寅仲獲雋鄉書志喜兼贈北上

樓頭寒月曉烟濃，徙倚停雲思不窮。得意已誇郤

氏桂，成名君豈葉公龍。寅仲為葉賦成莫厭千金

西園存稿 卷之六
薄客去唯憑一劍雄瑞應近聞占太史螭頭應奏

海雲東 寅仲築室定
岡臺日書雲

拜官中秘

端笏平明謁 紫宸夔龍接武 聖恩新祿微祗

乞侏儒粟地散偏宜草莽臣五色乍搖雞樹筆一

枝先傍鳳池春自憐吏隱容疎賤奏賦無煩狗監

人

送韓叔捷太守 覲還皖城兼懷林郡丞春

池孫別駕古塘得二蕭卽席賦

西山晴色照行鑣蹀躞春風五馬騎南國寒帷湯

沐重東方賜履璽書遙鄉心不盡雲千疊別緒那

堪柳萬條為語風流庾樓客王孫芳草可能招

送吳允兆太學歸吳

啼鶯聲裏客還家幾載風塵兩鬢華作客懶歌燕

市筑為漁不泛武陵花 允兆有書畫
船日漁舍 菰蒲野水他

年綠楊柳春橋幾樹斜十日平原千里別可堪清

淚向天涯

其二

春明門外草芊芊有客歸乘范蠡船雲夢胸中藏
八九孟嘗門下識三千允光為政府記室縱橫橐
刺書裙筆羞澁囊空賣賦錢若問生涯君亦得一

溪明月一溪烟

夏日李太保惟寅病起招飲余值病未赴因
詩見貽用來韻却答

高軒肯與鶴同乘河朔清尊慶得朋白草已荒秦
塞月浮雲空傍漢家陵且隨劍客占埋獄閒對茶
僧試辨澠同病不堪頻促膝別來曾否二毛增

寄海陽令魯子與

羅浮山下話交期幾載風塵悵別離枳棘豈淹鸞
鳳翼松筠曾擬柳蒲姿子與生同余歲囊因簡訟新題蒲
邑傍名山傲骨宜為憶榔梅庵畔路桃花新種幾
多枝

訊胡孟弢博士

風塵回首總堪疑始信長安盡奕棋出世方知能
用世憂時終自不諧時一官數抗陽城疏九辨猶
懷楚澤悲孟弢嘗教諭沅江從此清名須避却聞君原亦

西園存稿 卷之六
畏人知

寄海陽廣文顧靖甫

春明壁水兆三鱣江左名流顧彥先絳帳雲間懸
白岳綵毫花底賦青壇曾聞鄭老騎羸馬更向蘇
郎乞俸錢我亦長安居不易甌塵空負腹便便

贈胡元瑞孝廉

一時文雅擅風騷不向山中索價高元瑞自稱與少室山人
劇開尊因按曲客來碁罷更揮毫幾年華髮悲清
鏡一片雄心問寶刀遲日五雲應送色憑君先唱

鬱輪袍

巳亥人日西省寓直小酌得閒字

橐筆初隨供奉班宮雲不動佩珊珊歲星客共金
門隱人日懽邀玉署閒苑裏聽鶯頻送酒花前拄
笏足看山深宮自是傳呼少日日垂鞭得句還

爲毛進士具茨題其大父中丞公墓

生芻曾薦白楊秋玉節金魚共一丘石繡屏前頻
立馬蓮花峰畔說眠牛西風忽送松楸雨落日時
聞鼓角愁自是中丞明德遠萬家不數漢元侯

西園存稿 卷之六
夏日同方翁恬布衣趙文載太學過訪無際
講師不遇因與首座論詩一食而返遂賦二
律寄贈以當畱衣

其尋雙樹叩三乘竹院空留塔影層結屐亦飛雲
外錫登山時度水邊藤應疑朱戶非蓬戶始信詩
僧卽聖僧若遇北宗相問訊阿獠今復有南能

其二

風塵誰掩竹參差襜襖紅塵客到遲杖底看雲吟
過日溪頭伴鶴去經時辰叅已放留檀篆午食空
耳薦野葵更喜法門多勝事禪餘小朗亦稱詩

贈翁心吾趙太傅門下客也

風塵誰復識王孫肝膽逢人不忍論高誼久知翁
仲孺雄心曾傍趙平原千金片語能酬士一劍長
懷未報恩若過金臺休吊古秋來芳草正銷魂

慈因寺齋集得環字卽席賦

禪心詩思最相關野服清齋得暨閒錢乞大官唯

布地名慙小草只宜山

時余有引疾之請

一簾過雨籠花

氣三笑逢君破客顏日暮暑消談塵落彌天高辨

西園存稿 卷之六
正連環

登東昌光岳樓

朱甍綺檻接青霄百尺憑虛宛沈淪柱日暝殘秦
觀影連空寒漲海門潮西風白鴈南歸少東國浮
雲北望遙臨眺不堪頻指點一天秋色正蕭蕭

除夕次漱水柬懷方翁恬

把臂金臺淚一揮青山元與世情違曳裾不爲歌
魚去裝足曾因罷醴歸村市雪消人尚臥江城臘
盡佛還稀知君剩有狂奴態曾否桐江覓釣磯

雨中登獅嵒寺呈趙符卿

駐槩尋僧坐碧苔疎林寒雨晚鐘催緡經石上獅
爲座把釣嵒邊玉是臺山翠似屏從北擁江帆如
笏正南來尚須載酒頻登探造次梅花莫浪開

上元日雨中入武彝顧明府送酒

三十六峰春正幽星宿蹙駐轉彝猶地逢賢主淹
歸客節屆良辰得勝遊九曲閒雲長抱石一尊寒
雨獨移舟憑君更訂山靈約短棹還期弄素秋

雨中遊武彝山四首

西園集 卷之六
飛淙蘸碧繞巔岵濯雨芙蓉翠鬱盤玉柙尚餘秦
世蛻金函空掩漢時壇花明萬樹客初到雲濕一
溪春正寒不是山靈偏見妬夫容宜傍雨中看

其二

空山過雨漲初渾落日扁舟酒一尊鶴馭遙傳邀
泰姥虹橋不復宴曾孫迎人吠出雲間犬洗藥香
聞水上村何事春風太狼藉菜花黃遍御茶園

其三

路入瑤臺望轉餘空聞仙骨竄黃芽連雲峽壁靈
威掌絕磴崖懸博望槎野鳩啼幾千樹雨擲梅開
盡一溪花斃來未及同亭宴且撥峰頭片片霞

其四

丹山碧水且淹畱九曲無如此曲幽樹傍雲窩爭
礙日竹依風穴巧當樓洞中甲子纔聞晉路口漁
郎不姓劉轉憶仙源杳何許桃花空落水空流
入武藝候黃丘二文學不至

蘭湯渡頭道士迎折葵煮茗炊青精翩翩二子晚
不至湛湛孤尊誰與傾船頭微雨已幾點溪上夕

陽還有情平生好事皆獨往何用仙人携手行

阻風金山東吳敦之司理

燕市論交憶十年多君先着祖生鞭朱方吏向爰
書隱綵筆名高左史編倦客祇堪依水寺美人猶
自隔江烟相逢倘踐雞壇約能否江頭覓孝廉

明春秋

泊京口聞李本寧觀察未蒞武林因留書候
吏賦此見懷

西風病客梳歸航落日懷人一水長把筆尚聞歌
蜀道觀濤何日汎錢塘冰銜久輟文章伯鼎席遙
虛政事堂見說玄都桃未種春風日日待劉郎

渡京口遇林文忠史咨伯南還時莊山人靜甫
至自金陵遂方舟焉

與君輟直出承明歲晏方舟事遠征岐路喜同京
口驛故人來自石頭城楓江落日潮初上水寺鐘
殘棋一枰且向滄洲共攜手浮雲直北正縱橫

登惠泉寺

昨來江上啜中泠更汲名泉貯玉甕萬斛流懸雙

西園存稿 卷之六
寶碧一泓寒浸九峰青曾隨月色花間去宜襍松
聲雨後聽已乞金莖蘇病肺還從水品試茶經

冬日從惠泉寺泛梁溪同真謚道慈二上人
時趙明府肖鶴送酒得梁字

旭日孤城昨夜霜九峰晴色曉蒼蒼橋邊酒送神
仙令座上僧薰解脫香十里朱樓隨鷁首一雙白
鳥近魚梁開尊不盡登臨興簫鼓中流泛夕陽

載酒東山招同韓伯儀韓伯聲何俞之二明
府各賦

空江寒色薄城闌把酒憑高客望頻結社喜逢來
二仲休官今已見三人尊前鳥過千山暝杖底烟
輕萬井新共說浮生閒便得西風何事怨江蘋

改席韓伯儀迎薰閣聽主人彈琴

落日高樓席更移朱闌粉堞擁參差山連象嶺迴
成晨郭帶榕溪曲作池玉軫清商翻調古華燈寒
燼醉歸遲知君瓜已東門熟莫惜頻頻倒接籬

延平陸太守招飲楊氏園亭賦謝

各園春色正平分座擁笙歌酒共醺去國一春猶

浪跡論交半世始逢君林間白雨新添漲檻外青
山盡入雲夜色應憐龍氣合可堪傾蓋復離羣

上巳日黃岡驛憶家

遊子還家正三月更逢三日淚沾裳半山半海客
行苦欲雨欲晴花信忙岐路春陰已轉眼故園往
事空迴腸鶻聲昨夜更枯血明發何事遲歸裝以時

夫役不給
若停一日

寒食次清漳韓叔捷太守招飲

旅食驚逢禁火辰鳩鳴燕乳野桐新鶯花恨別經
年客節序關心遠道人到海已知闔地盡看雲漸
與故鄉鄰相逢共惜春將暮濁酒因君強入唇

賀李觀察伯東參豫章中書行省事四章有京

十五年御李之思數百里依劉之想尚期
果腹何啻調飢乃煌煌簡命亟畀雄藩
悠悠我思遽違宗匠雖傾蓋而如故慨握
手之無多敢獻俚言上徼郢削懽悰別恨
并見乎詞

鳴鏡疊鼓鬱江頭紫氣遙驚傍斗牛五嶺雲霞留

藻績千秋琬琰屬雕鏤

公精六書而丹青尤為超詣

登壇曾建

中丞節叅省仍分帝子州共喜西京詞賦客已從

方岳領諸侯

其二

蒼梧雲氣正飛揚宛宛雙旌指豫章懸肘玉辭麟

篆舊裝腰金賜荔枝黃曾聞尺檄收炎海更擁名

藩控大江從此斗間增氣色君家原是古下將

其三

才名八斗漢廷聞牛耳于今已屬君題榜敢煩王

大令登樓不數顧將軍裝無端水半拳石袖有羅

浮一片雲為問諸生頻授簡可能領畧五千文

時公

檄諸生輯七星巖志

其四

與君同調復同時何事登龍較獨遲竭澤喜逢河

潤廣攀轅空望德星馳南州未下陳蕃榻東國先

歌召伯詩自惜鄭公遷鎮後浣花花事與誰期

重過七星巖祝明府招同南海王明府嵩集

時余以制帥戴公出訪後至遂成長夜之飲

賦謝

舊遊重過便神馳昏黑能來席更移何事不隨仙
令鳥自憐錯顧尚書期娟娟新月還須照滾滾飛
觴莫愬遲卜晝多君兼卜夜風流不數習家池

伏日李伯東參知招同蘇汝載朱季美劉道
子智上人區啓圖宴集崧臺刻燭分賦得來

字

峻嶒削玉倚江隈片片夫容入望開酷暑已煩風

捲去

先一日
颶作

新詩猶被雨頻催一尊閒對千秋客

半曲光浮百尺臺日暮江深龍睡穩誰人探得額

珠來

李伯東參知招同樊王軒侍御清上人劉將

軍蘇朱劉區四文學石室宴集斗魁臺得如

字

披雲坐石擁仙祛酒態詩狂宛自如鎮日旌麾依

水竹一時賓從狎樵漁新青壁送尊前雨宿潤蒼

生石上書潦倒正思河朔飲天漿莫遣帝觴虛

巖乃帝觴
百神之所

政和令車宜仲內兄惠書捐俸兩辱見存不
無約結之嘆第政和治狀從闕來者嘖嘖不
亦賦以慰之

薊門春色總堪哀別緒因君黯不開千里已煩分
俸至一季未半兩書來青山傲吏花間綬白日冰
絃竹下臺見說 今載道理輪君是漢廷才

大慧寺社集

古寺春深寂不諠依依新柳影寒原千花繞塔鳥
啼晝一犬眠雲僧候門客向酒邊唵芍藥春從天
外到芳蓀東風莫遣流旄駛且付清尊共討論

五日天壇社集

香塵遙挾火雲馳白玉觚壇紫翠披陌柳吹風籠
睥睨簷榴移日到果魚瑤臺不下三青鳥黼扆空
盤五色絲見說祠官頻望幸蒼虬何日翳華芝

其二

參天枯栢翠重重魚鑰閒扃落日鐘何事嚴闈橫
虎豹時聞太液競魚龍涼蜩響切釐宮草獨鶴拳
聯輦路松令節正逢邊埃急游光分佩厭兵鋒

其三

朝回花下鳥嚶嚶夾路笙歌沸錦棚遺俗又看懸
虎艾殊恩久已罷裊羨九天紫府開中籙是日五帝校定
人間貴五字丹書乞上清五日薊子訓事日永壇
賤壽夭見窮神祕苑

花閑不掃香風時送步虛聲

其四

麗日芳遊散玉珂相將採拾市婆娑虛廊自閱松
杉影古殿長繁鶴鶴窠故國炎蒸丹荔熟鄉心迢
遞白雲多但能把酒呼朋輩不用揮毫弔汨羅

八月十四夜社集聞警

爽薦金飈暑已殘高雲斂色露華溥一季此夕秋
將半萬里中天客共看獵騎正嘶秦塞影驚鳥空
繞漢宮寒風塵且有悲搖落滿地青山愧鶻冠

其二

客館芳尊好共醺玉街涼月正紛紛却憐合暈縈
織翳尚覺清輝缺一分飛蓋喜無風雨妬

高樓思婦砧方急欲譜霓裳不忍聞

其三

西園存稿 卷之六 三
鵲彩斜飛照雪袍
蕭蕭落木滿庭臯
攬槍未隕中黃老
刁斗時誼太白高
磧日易陰湏探夜河水
欲壯急柵壕關前此夕
渾如晝誰抱金環泣
大刀

其四

上苑疎鐘出禁扃
驚塵撲地晚風腥
陣殘尚覆雲千葉
烽急遙飛火一星
塞角每從愁裏語
征鴻宜向月中聽
明宵更覓吹簫侶
莫遣秋光冷畫屏

壽于穀峰大宗伯六十

碧海秋高壽域開
誰將綠野傍蓬萊
濯纓溟渤駮

虬去髭髮扶桑駕
鶴迴桂籍已瞻登
六相槐陰又

欲報三台

詳因話錄

懸知放鴿添籌日
片片卿雲照酒杯

其二

五雲高處祝華封
名世禎期叶岱宗
大業千秋今董馬
中朝八座舊夔龍
乞身豈欲尋黃石
公家在穀城下
難老何須學赤松
見說泰階多氣色
蒲輪恐爲駕

追鋒

其三

清秋爽氣滿東瀛
劍履高班憶上卿
紫府九天開赤舄
青山一枕傲蒼生
驚聞歲月逢初甲
欲識風雲卜後庚
老我明時慚橐筆
露門何日荷旻衡

校書祕省用秦玄峰寅丈韻呈三閣師

瑤光東壁照圖書
紅藥翻階柳覆渠
祕府分披焚

草後上方宣賜報
衙初芝函數拂神仙蠹
仙家冊檢其蠹

五色日神仙蠹筆橐長聯學士魚
自笑書淫堪吏隱
肯將

衰病負三餘

其二

拙宦羞稱老校書
軸林麗麗屋渠渠
綠文已剖魚

浮日赤墀須探鬼
哭初寄祿暫分張
朔粟長歌不

為孟嘗魚一車
未賜空成癖
欲向東朝乞蠹餘
晉皇

甫謚唐李敬玄表借御府書籍事

送李宓珪明府令寶安

獨持銀艾蜃樓邊
片片黃雲照錦鞵
鼉鼓不誼瀕

海戍馬人盡種
隔江田囊携綵筆
官能傲邑傍青

山吏亦僊到日政
餘秋正好刺桐花
下坐鳴絃

送盧少從檢校江藩

西園存稿 卷之六
風塵誰識折腰心暫借都曹任陸沉拄頰飽看廬
岳色參卿閒臥省薇陰廿年拙宦其頻譴五字新
詩獨苦吟若向琵琶亭下過莫將孤淚濕青襟

眉壽六封卷爲郭青師封君題

登真八百正無涯賢劫鴻濛閱歲華雉膳久調仙
掌露麟袍長映習溪花一經已啓千秋業三祝還
歸萬石家聞道辟雍脩盛事安車今又載姜牙

其二

金魚黃髮雅相當况有天綸譜壽章玉杖閒邊丹
朋字銅標高處白雲鷲門前已建中丞節膝下仍
分副相牀上考渥恩期六六不須廿四數汾陽
夜行烏兜道中望五雲驛

馬頭戴星已歷歷洞口伐木猶丁丁篝燈渡水月
爭色打鼓穿林山答聲半愁半病客自苦欲煖欲
寒春有情莫說長安今不見明朝且看五雲生

自王峽驛直馳金川夜行蕭蕭難道中午憇曲
水館時正月十四日也

攬轡披星來王峽長驅接浙度金川危旌數拂章

西園存稿 卷之六 二十三
山雨警角寒嘶皂閣烟不見華燈燒永夜惟聞社
鼓乞豐年今宵爲囑明宵月莫惜清光兩地懸

峽江公署

孤城寒傍白雲間半挹滄江半枕山列市盡隨欹
石轉開門惟見急流灣花明客舍青春好柳暗公
衙白晝閒却喜蕭蕭脩竹下爲飛破鏡照刀環

正月十四夜上蔡公署候月不至罷酌

山郭孤棲喜晚晴銀蟾何事碧雲縈豈憐皓魄猶
微闕故傍良宵不肯明兩岸歌鐘道十里一街燈
火引雙旌天涯縱有芳尊在却沈春愁忍獨傾

正月十五夜止宿海昏旣苦無月且苦無燈

京國鄉邦淒然兩地復成一律以紀遊踪

遠道長驅泥滑滑嚴裝倦客馬蕭蕭誰家短笛遍
悲咽半壁寒燈照寂寥悵望雲山迷故國不妨風
雨妬今宵更憶傳柑新宴罷漢宮春色爲誰驕

歲壬午計偕曾憇東林寺今二十有五年矣

幸差竣還朝再過一食撫茲往跡殊愴客

懷遂成二律以紀歲月

春風驛路苦迢迢再入東林思惘然溪午鐘鳴僧
不語花明院靜客停鞭千峰已歇馬頭雨萬壑猶
飛樹杪泉不是宰官纔佞佛飯依曾憶廿季前

其二

講經臺畔水淙淙有客乘春覓舊踪山帶半隨青
嶂繞螺鬟長倩白雲封筆點石幢題露葉厨分香
積剪春茸自憐亦是攢眉者却向溪橋曳短筇

黃梅道中馮茂山爲五祖道場稍南卽四祖
道場破額山也 王程束急不暇隨喜輶中
合掌望而賦之

馮茂烟光遮破額南來兩祖對叢林瞳瞳佛日懸
雙頂冉冉慈雲落片陰纔說有南終有北何須無
物并無心渡蘆若問真衣鉢雲在溪流月在岑

過潛岳孳天柱峰

亭亭一柱控千峰作鎮天南擬岱宗呼吸可能通
帝座土茅曾此奠侯封岳卽古皖伯國傍看日月轂雙轉
倒攬烟霞翠幾重日暮停車頰拄頰一天晴色秀
芙蓉

贈黃荆卿太學

別來踪跡竟何如，暫向青山問索居。
半日欲留千里駕，隔年空把數行書。
雲迷積水冰猶壯，雨暗荒城柳尚疎。
共說風塵俱老大，雄心何事未消除。

護城驛遇雪

皎冰已折草初芽，六出猶飛萬斛花。
可是一天霏玉屑，頓令千樹放瑤華。
曳泥軸凍青油憶，戀棧毛拳白鼻騮。
爲賦式微頰極目，依依楊柳滿天涯。

贈竇淮南叅知

淮南桂樹夢中思，雞黍尋盟八載期。
垂橐已聞饅粥薄，倚廬長抱蓼莪悲。
一門桃李收荆楚，七郡桑麻徧武彝。
可奈相逢卽相別，王孫芳草正離離。

居停古廬奉晤陳司理震陽譚亾友李仰城
將軍往事不勝西州之感，而古廬有黃荆卿
太學則不佞喬札驩亦李將軍所嘗物色者
也。司理慷慨有大度，能得士心，故以詩介書
爲荆卿緩頰。若曰：交淺言深，冗曹其曹丘乎？
則批頰退矣。

西園存稿 卷之六 三六
望入遙天斗插城蕭蕭淝水照行旌寒深驛樹鳴
丹葉雪滿輪蹄碎玉英下榻喜逢陳仲舉論兵轉
憶李西平始知劔術真能事不是荆卿浪得名

余友區太史用孺謫丞滁陽問寺 王程束
急不能枉道以尋嵇呂之盟昨過古廬遣急
足從間道往訊之候其報音於紅心驛遂日
中止宿詩以寫懷

荒林寒雪漲遙天尺一空緘思杳然玉署共憐虛
歲月白雲何事間山川秉心曾賦三千駭病肺應
甘六一泉爲笑玄都桃萬樹不知春色爲誰妍

過三歸臺望穀城山

路入群山躡翠微車塵遙逐野蓬飛晴烘暖日揚
生穉乍拂和風客戒衣黃石祇聞書一卷荒臺猶
說築三歸停車莫問興亡事且汎清尊對夕暉

瀛海樓晚眺

武垣城畔路悠悠有客停車憶舊遊碣石抱雲常
北向滹沱落日自東流高城柳暗鶯聲早大澤春
寒蜃氣秋已說長安明日見仲宣何事賦登樓

使還都門志喜

去年此日揚帆別此日今年策馬還一歲韶光空
蹙鬢半生踪跡總間關金門尚憶前時隱玉笋誰
高近日班迺止更聞歌卜筮微臣何以慰天顏
使還長安東同社諸君子

蓬萊深處五雲開麗日晴曛柳色催花事漸看三
月近酒徒又喜一人來橋邊幾度尋春去月下誰
同鎖院回自笑冗曹牛馬走却隨鷓鴣鴛鴦復徘徊

陪祀

山陵偕諸寮友夜宿瑞光寺漫賦

淋宮閭寂少城隈幡影遙連紫翠堆萬井晴烟雙
闕近九陵王氣一天來文楸乍覆燈前局綺席
頻呼竹下杯為憶龍髯攀未得空庭明月共徘徊

夜宿坑口公館毋夫人喜見新月賦此

春霖彌月客行難此夕停車暫倚欄纖魄已能披
宿霧微明尚覺帶餘寒霜浮鵲彩晴猶濕雨蝕珠
胎影未完笑喚兒孫下階拜慈闈今亦舉頭看

葛陽道中

葛陽古道何迴旋諸溪冷水皆舖名聲濺濺少婦腰
鍊割園漆老農燒石肥山田前村後村響樵唱三
里五里連炊烟春情似此客行樂何必春心託杜
鵲

投贈衢州大守張七澤

岐路論交自有神使君高誼薄秋旻天涯臭味元
同姓海內文章屬幾人何日關門占氣色且隨猴
吏望車塵姑蘇姑蔑盈盈水願把新詩次第論

懷玉公署卽事

玉華山頭日欲斜亂石錯落青槎枒當人白日橫
豺虎滿地黑月誼蝦蟇暮春愁日結杜宇舌雨意別
作枿欄花浮雲直北亦莽莽長安不見空咨嗟
投謝懷玉胡定海明府

暫解輪蹄憇玉臺蒲簾晴色照莓苔孤裝破雨春
三月短髮吹風酒一杯朗月正宜估客對好懷今
向故人開知君不淺南樓興莫遣清宵画角哀

元日登蓼雲臺率兒輩望拜蓼水先塋

登臺北望儼蒿君煮蓼水廬前紫氣殷婦子蘋蘩長

假饗宮墻俎豆互芳芬神峰舍日開青嶂鐵嶺擎
霄冠白雲栢酒椒盤遙獻歲無疆降福自欣欣

旗峰之約余數食言矣再期於今歲人日再
弗克踐不敢再訂也第旗峰無恙園公亦無
恙情見乎詞

春雲縹緲寶安城何日揚帆賦遠征爲憶題詩高

刺史未尋作頌魏東平

人日登高自魏東平王蒼頌安民山始

青山

却咲輕然諾白首相期老弟兄珍重旗峰且虛席
重來還飽五侯鯖

壽韶州陳太守代

萬曆甲寅秋九月我廢翁陳使君以守韶奏
最爲天下第一蓋天寵殊常鼎鉉在望矣
是月二十有六日是爲我使君覽揆之辰
上而得君又上而得天嶺以南善頌善禱
者無老幼遠邇若出一口其以桑梓鯁生
筮仕卽獲歸命於宇下濫竽樂日今幸從
令羅浮亦舊吏也未由縮地實切戴天仰
際吉祥更深涵泳不揣蕪陋綴以永言快

觀九遷竊申三祝工拙不計唐突何辭

芙蓉江上頌聲頻南極秋明紫氣新詔下黃金來
紫禁帷褰白鹿夾朱輪會承雨露慙鄉梓竊賦岡
陵祝大椿更喜二天分兩地餘光長得借東隣

贈董歸善治行第一冊

無雙治行古循良百里絃歌鱣水傍白晝訟庭諠
烏雀清宵歛市罷析楊花村馴雉依桑柘涸澤蜚
鴻慶稻梁見說金書來漢闕芸泥千載有餘香

壽胡太尊

豐湖春晚水瀾瀾湖上棠陰匝地垂按縣彤幃嘶
紫馬行春白鹿夾朱旂一尊共祝無疆壽十邑會
歌樂只詩歌罷莫言清似水使君清處畏人知

懷姚承庵中府

往權金昌公掣舟見訪今昔之懷六年遠
矣嶺外遺民末由訊問茲幸巽源姚公復
鎮撫之二天再造千載一時急足還吳瞻
戀彌亟拙句扇頭代書申悃復憶公往曾
見索拙筆扁書久未副命今摘一聯六經

獨挾千秋秘萬卷窮探二酉文書上未知
遺民名姓尚堪疥壁否

江頭落木正紛紛秋色空高白鴈群來暮已歌新
召父去思猶頌大馮君六經獨挾千秋秘萬卷窮
探二酉文公嘗著六經義行於世欲問老農何所事一犁春

滿健耕雲

四月八日徐郡公得雄賦此賀之

豐渚羅浮共毓靈喜逢浴佛得寧馨聖書已報車
增益筭會占旆綴鈴善積相門貽相種天開文

運謨文星時都試郡人士他年印綬重登閣名姓先聯干

佛經

海晏珠還掌上珍拈花微笑是前身二龍噴水九

枝秀時早禱得雨一鵠冲霄六矢新臧毋集肩金鸞驚

誌公摩頂五麒麟皆徐孝穆事懸知慧業鍾靈鷲不數

崧生甫與申

林敦夫遊粵還閩以詩言別次來韻贈之

相逢白眼撐高天骯髒風塵不受憐衰殘我是張
十二邁秀君為員半千四海交泰躬惟守黑千秋業

就獨思玄國門豈是書懸處努力懸書日月邊

寄福唐郡丞蔣公鳴

七閩三山瘴海涓坐堂亞府口爲碑漁樵老我空
黃髮兄弟惟君是白眉有夢尚尋三益徑懷人常
賦四愁詩鱗鴻閩粵應如織何日瓊瑤慰渴饑

別朱觀察

海門秋色正飛翻幕府吹霜画角喧增秩已分新
節制臨戎仍控舊屏藩三千隊裏憐歌缺二十生
前說在門欲去還來頻望拜可堪芳草怨王孫

人日韓緒仲太史招同韓寅仲明府阮唯仲
余士翹兩孝廉登浮碇岡改席鼎呂堂弁訂
南山觀瀑之約

芳林如錦草如茵萬井烟光物色新看竹行厨羨
菜甲回車劇飲薦盤辛驚占聚井星爲客競帖宜
春日是人我欲從君蠟雙屐枕流漱石莫辭頻

十二日邀集韓寅仲阮唯仲余士翹韓緒仲
南山觀瀑時春晴泉涸賦而戲之

瓊瑤萬斛瀉孱顏曾界青天挂碧山濺沫止餘殘

滴翠涓流空灑舊苔班何時地軸翻雷電不見天
風響珮環可是馮夔新捲去欲爲霖雨到人間

春正月二十八日澹守老人懸弧之辰也時
七十有一矣兒輩偕同社諸友爲其哲嗣肅
若作浮碇長青圖綴之詩以佐稱觴而肅若
以文見屬不知里中約法三章西園公翰筆
久矣第肅若於余文字交也余亦以詩進未
免身試三章之法幸廻環數四當不復落猪
嘴關故書而壽之

童顏鶴髮古稀齡門掩羣山不斷青浮碇靄椿沐
問歲烏衣玉樹喜盈庭花前壽酒爲春酒天上張
星卽壽星我欲從君淡相守開尊何必五侯鯖

鄭台擢涖郡昭州使道枉駕賦此謝別

天南五馬忽西馳却憶琴鳴瘴海時萬里新詩在
懷袖十季濶契念途泥隼旗幸駐夔門駕鱣渚長
瞻峴首碑見說東西將賜履羅浮遺老正扶藜

海豐何學實明府以善下子餘齋心功過冊
見投賦此却贈

西園存稿 卷之六
才如白錦筆如杠獨步文壇折慢幢梅閣題詩梁
水部宰官護法晉廬江十年傲骨渾無恙千古雄
心不肯降共向豐湖旌白水斗間龍氣本來雙

李伯東方伯往汴粵西便道過訪小園留酌

賦贈

升沈踪跡問居諸梁月長懸萬里餘共喜清朝登
大老更煩行省領中書披襟剩有烟霞癖駐楫言
尋水竹居鄒律不須吹黍谷陽春今已到樵漁

其二

衣裳顛倒出蒿萊爲向龍門御李來促膝門年頻
拊掌鳴琴灑酒共登臺鷗群競逐鷗聲下花信曾
吹雨色開再訂平原期十日河橋折柳共徘徊

其三

桃花新漲錦帆懸破浪乘風去若仙分陝舊臣仍
列岳騎箕小陸已生天時有次公奉常之變玉符遙綰三湘
水赤幟先開八桂烟翹首蒼梧雲萬片想應長繞
粵東禰

其四

鬱水窮州去後思逢迎倍憶別離時一尊滕閣論
文酒百字星巖墮淚碑紫闥已聞虛席久白雲何
事出山遲東西賜履元非遠已擬清風吉甫詩
且當時文學以詩見投用來韻却答

綺歲霞標獨擅名凌雲綵筆駕西京望門不載三
千牘抱璞誰償十五城潦倒一尊河朔飲寂寥千
古汝南評相逢莫咲玄猶白且解塵纓共濯清

庚申夏來送劉觀國少叅以八賀還泣武昌
并訊楚中任白甫龍君御諸社友時觀國方

夢白而里中南園舊社之役觀國捐貲主盟
故咏嘆及之

冬歸夏去及秋初夙駕星言畏簡書獻鏡何因逢
破鏡脂車曾否詠同車莫將宦轍悲留滯且向文
壇共掃除爲問依劉彈鋏者可能長飽武昌魚

小集大忠祠議復五先生南園舊社呈直指
虞石王公得十五刪二冬

萬堞參差水一灣前賢名跡莽蒼間荒池何事蛙
空吠華表于今鶴未還戲鵲璇題懸日月行驄綵

筆滿溪山相逢却喜裝能解不向公家請百錢時
士明太史劉觀國觀察
首捐重貲以辭公帑

其二

書鬼不僂百代宗驚傳攪轡問遺踪當年嶺海儀
群鳳曾際風雲從六龍樹底頽垣花灼灼欄前斷
岸水溶溶南園剩有齊犧在牽卒西園老萊傭

朱惟四文學重修禹峽飛泉洞以詩見投對
使用來韻却答

美人遙隔暮雲重家在禹山第一峯金翅垂天曾

博象蒼精出匣卽屠龍已從古洞開新構更挹飛
泉沲翠容洞有挹泉亭爲憶玉環歸去後桃花深處紫
烟濃

庚申巧夕遇雨

涼宵初霽月初移正是雙星脉脉時聽雨幸饒今
夕酒挑燈惟讀去季詩梧桐一葉飄何處河漢三
更會轉遲寄問西園兒女輩香奩曾否綴蛛絲

其二

輟輓停梭向玉津一季一渡一番新
星橋疎雨疑

西園存稿 卷之六 七
雙淚月帳流雲妬二神夫婦不須期世世楊貴余
禍惟願抱頻頻離多合少空相憶恠底嫦娥不嫁

人

八月十四夜得直指虞石王公書贖以還

朝東急不果羅浮之游因偕里中諸籍紳攀
宴小園賦此候別

四百峰頭紫氣濃相期跨鶴御冷風脂車自是王
程急時轍還憐野老回吹笛關山秋正半繞枝烏
鵲月初中臨岐欲駐葵門駕可向江頭問桂叢

其二

絳鞬遙臨白板扉書來應念雅盟違巡方不問平
原酒授粲還尋北澗薇六轡日邊玄豸去千山馬
首白雲飛南宮獨坐從今日莫忘扶藜戀袞衣

九日李伯開偕韓緒仲胡虞卿登百尺樓得
四豪時伯開有期遠適緒仲亦當還朝

蕭蕭木葉下庭臯縹緲危樓首重搔群鴈聲中一

水澗六龍飛處五雲高老翁早出杜少陵逢芳節

佳客能來共濁醪欲問明季今日會美人天外夢

西園存稿 卷之六
魂勞

李伯開以詩言別用來韻賦贈

裘敝囊空髻未華
憐君爛熳是生涯
十年一刺禰衡字
萬里三秋博望槎
岐路無衣聞蟋蟀
他鄉有客咏蒹葭
逢人若問羅浮主
爲說西園莫浪誇

夕佳亭主人以詩見懷用來韻却答

數畝爲園差不惡
天高木落風日淒
一簾竹色自疎密
兩岬花影無東西
白駒久分空谷紲
允鳥豈有幽人題
百遍相過君莫厭
敢云桃李却成蹊

懷夕佳亭再用前韻

君家亭子聞新構
老梅短竹殊清淒
蒼光日脚不敢下
山色案頭來自西
數拉畸人結湯社
閒呼小婦拈詩題
我欲從之室且邇
其如李下久無蹊

蕭給諫損之社集對月

綵筆翩翩出漢宮
深宵朗月御微風
寒生烏鵲千山外
影落關河一笛中
共把芳尊邀竹色
不須高燭照花叢
霜臺晏歲君應念
何日乘鸞向碧空

秋夕與韓伯舉寅仲泛月得山字

清秋尊酒一開顏
蕩漾孤舟杳靄間
浦口好風斜捲席
城頭新月半含山
蒹葭遠水傷心劇
島嶼浮青向客閒
但得流光能共對
漁竿長此弄潺湲

九日槎江

清秋百丈正牽江
十里蒹葭一夜霜
挂席微風生遠渚
衝人獨鳥背斜陽
不須黃菊頻簪髻
何事青山負舉觴
酪酲未酬佳節去
穉光空滿芰荷裳

留題平山驛

經春作客涉冬還
千里輪蹄此暫閒
戎角爲誰偏

鳴咽松濤可依舊送
湲潺難逢竹下如
澠酒更認饅頭似
畫山好語庭前今夜月
不須重照大刀環

已酉冬夜泊海珠寺書懷時有出守之報計
當接効故稍及之

一江晴色滿蒹葭
水寺尋僧繫客槎
謾說榮五馬且從老衲問
三車戈船斫岸潮初上海客
收帆日正斜
整何空門分半榻
香爐茗椀足生涯
琳宮醮水影層七
客夜危欄咲獨凭
乞法喜逢鐘後飯
攤書時借佛前燈
吹風潮送城頭角
載月船

西園存稿 卷之六
呼渡口僧爲問鮫人何事泣淚珠迸作石峻嶒
篝燈襍被宿招提莫向風塵問路岐去國尚留三
尺鐵迴頭竟是一枰碁深宵露洗尊前月未曉鐘
催枕上詩最喜投閒身尚健肯將清恨賦江蘼
篇舟何事到禪關曾向三生石上還蜃氣迎風幡
不動鼉更疊浪月初寧敲燈得句唯招隱賣賦餘
錢好買山從此江邊清夢穩不須迢遞繞朝班

壽史緯瞻觀察

二春已半日遲上壽域初開鱷水湄放鶴喜逢鷹

化候憑熊况是蟄驚時璇霄卯月當鈴閣紫極台
星傍戟枝爲問華封何所祝謳歌曾奏九如詩
仲陽佳氣滿羅浮坐擬麟符控上游南粵已瞻新
憲節東方今攝古諸侯如掾綵筆應千古破柱雄
名擅九州大業共稱三不朽何須海屋更添籌

去穉窠跡五羊史緯瞻觀察先施折節歲杪
按部破格分俸貽詩索和遂用來韻情見乎

詞

歸來欲擬采真遊半幅蒲帆九月穉敢謂埋名吳

西園存稿 卷之六
市卒來詩有潛入五羊之語自憐去國范生舟綵毫遠挾清
霜墜画戟初臨紫氣浮正喜依劉今有地使君高
誼恐難酬

人日入郡謁謝史觀察

去年人日欲焚魚人日今年却曳裾客舍不彈馮
氏鋏夷門先駐信陵車風和萬井花爭發日煖雙
旌柳乍舒共道陽春真有脚曾從幽谷到枯株

西園存稿卷之七目錄

七言近體

謝和平孫仲瞻明府

送曾元陟應明經試

辛亥分歲

壬子元日賦閒園試筆

壬子立春日韓緒仲太史喬遷新第而寧馨彌月

奉和韓伯聲元日有感 謝邑侯姚公賓館落成

甲寅生日李康侯廣文以詩見壽

謝諸親朋小園讌集 謝韓寅仲以詩見壽

謝黃見河陳惺白兩廣文見壽

閒居咏懷

寄懷梁斗華同人

伏日榕溪泛集

贈韓叔捷同人卒有一

謝唐明府過小園留酌

得報中考功令

壽鮑瞻魯郡丞

訊蕭崑陽民部

癸丑守歲

甲寅元日試筆

甲寅春興十章

甲寅秋興十首

魚根為黃含光觀察題

竹浪閣為黃含光觀察題

寄畢孟侯侍御

重過海珠寺讀舊題

留題大忠祠

朱季美萬伯文見訪小園留酌

萬伯文以詩見投用來韻却奉

送朱季美萬伯文遊海豐

過駱達叔湖園留酌

春日黎定宇姻家招飲

贈哲求館甥

過訪駱子儀子良勉叔達叔諸君子留酌

吊謝弼臺

寄潮州陸仰泉太守

贈寶安老友麥正所

谷沈華伯參軍

巧夕移舟合江樓

黎定宇親家招飲白鶴峰

初秋任渭宇李少鶴兩將軍招飲湖光亭

西園存稿 卷之七 目錄 二
韓寅仲見過五石瓠留酌

訊黃士明宮允假還

李烟客歐嘉可黃逢求宴集浮丘

恭謁先師趙文懿公祠像

渡石龍市懷鄧玄度陳儀翔

贈黃含光叅知奏最移疾

謁賀郡大父清白龍公 哭廖永祚

五日起龍潭競渡之約

戊午夏五月六日過訪鄧玄度如水居

又用玄度韻

戊午初度寶安陳儀翔鄧玄度以詩見壽

荅梁翼明廣文以詩見壽

荅羊鵝二城諸君子為筮屐圖以詩見壽

勲姪瑩兒堪臺兩孫偕試棘闈詩以勉之

八月十五夜兒輩試畢宿浮翠堂家宴對月

奉贈雲河張侯入覲二章

贈黎是因館甥阮唯仲中表偕試南宮

謝鄭松門太史

寄懷焦弱侯太史

寄懷米仲詔畢孟侯

寄懷湯嘉賓太史

寄懷朱元价太史

寄懷吳仁仲水部

訊曾澤卿太史

寄懷學憲黃貞父

寄懷鄭龍輿比部

黎是因館甥計偕北上

戊午守歲

己未元日雨中試筆

正月十四夜曝書臺候月不至

正月十五夜清音閣宴集

正月十六夜燈下獨酌

暮春望湖樓宴謝諸縉紳

贈閔諫廷遊羅浮

過白鶴峰和東坡先生新居成

答鄧玄度荷池聽雨弄孫詩

潘隆字六十有一

壽陳石渠明府

謝陳石渠明府

謝李念劬觀察

冬日偕尹用平同人過鄧玄度紫烟樓

答玄度以詩責償卜築之約

謝徐念陽觀察

至日珠江聞遼警

謁謝王虞石直指四章

鄧伯喬韓孟郁區啟圖同集涿水草堂

贈文凝谷

奉劉觀國觀察于役還里

壽何和陽叅戎

寄懷潮陽同人

西園全集卷之七

羅浮張

萱孟奇甫著

元孫紹演來孫國樞補闕

七言近體二

和平孫仲瞻明府急足分俸便面貽詩四體

方勤一介未報竊用來韻附布謝私情見乎

詞工拙勿論

老去已尋長樂賦玄成誰問子雲奇一函不惜來

重趼千古相期契獨知引劔燈前龍氣合停雲江

上鴈行遲遙聞綵筆飛騰甚多在看山拄頰時

其二

雄名藉藉少年場入彀曾穿百步楊爲縮銅章傳
舊譜不辭黑子署新疆政成南國僊爲吏象逼中
台宿是郎衰拙不堪歌樂職媿從隣壁借餘光

送曾元陟應明經試

河橋尊酒共歌驪綵筆翩翩對赤墀奏賦不妨前
主席說詩慎勿解人頤元陟數稱詩而詩而詩征途日
禁方厲談之色變麗花如錦御苑風和柳欲絲若上金臺須一醉天

泚芳草正離離

辛亥守歲

一徑蕭條兩鬢皤尊開栢葉老顏酡驅除虛耗何
須盡皆買癡獸莫厭多却笑兒童爭媚竈欲呼鄉
里共迎儺儺以驅厲厲已晝行
里俗不迎故欲復之焚香細祝神荼輩
爲護蓬蒿舊雀羅

壬子元旦賦閒園試筆呈同會諸君子

晴旭芳林散曉烟甘分膝繞板輿前百季已半今
餘五一日能閒卽大千造次林花渾欲放菁葱庭

樹喜爭妍長開酒社從今日莫擲韶光似去季

其二

玉曆初開淑氣新今季猶似去年身已成項領從
時輩能老烟霞有幾人往事總銷棋一局壯懷須
付酒千巡入林把臂身同健剝水殘山日日春

韓緒仲太史以歲杪喬遷新第而寧馨彌月
則壬子立春之日也蓋在斯干之章矣頌考
室而禱吉夢君子善之余世講式好慶幸有
加因節取其語韻爲近體以附大人之末若

善頌善禱非曰能之願學焉

薇垣紫氣滿芳辰共說遷鶯更綬麟噲噲寧馨
送臘嗶嗶彌月喜當春香凝莞簞花爭麗吉叶
罷夢正頻爲語大人占已叶斯皇朱芾日振振
奉和韓伯聲元日有感之作用來韻却答

林礪季來免媿慙

北山移文林慙不盡礪媿無窮

一瓢雙屐徑三

三幽懷自覺閒中劇世態都從拙處諳花柳一春
應共醉陰晴明日不須談問君何事傷春早可是
稽康七不堪

邑侯姚公賓館落成招同韓叅知叔捷曾侍
御澤卿宴集賦謝

肆筵緝御醉深宵欲頌斯干興轉饒正喜樂郊無
碩鼠更聞私謁絕陽鱗莎庭晝靜琴聲古竹閣霜
寒鶴夢遙耕鑿已堪長鼓腹賦成莫向桂叢招

其二

華館初開輟簿書一簾秋色滿階除芳尊卜夜頻
燒燭寒足因人亦曳裾時余正病足好客榻緣徐孺下
拜言席爲蓋公虛榕溪縣舍清如水更說官清水

不如

甲寅生日李康侯廣文以詩見壽對使走筆
用來韻

蕭蕭短徑雨斑斑何事投珠滿竹關雌甲自憐同
犬馬餘季祇合付溪山驚看首宿慙分餉欲辦茅
柴共破顏珍重新晴堪把臂入林休羨鳥知還
諸親朋小園讌集賦此奉謝

茅齋客滿酒頻揮竹下新晴駐晚暉却笑杜陵仍
遠客最憐白傅嘆遲歸杜有遠客詩白有歸遲詩年皆五十有七先秋

未必摧蒲柳晏歲猶能飽蕨薇我已一枝堪自老
尊前休唱鶴南飛

韓寅仲以詩見壽對使走筆用來韻賦謝

季來習靜欲韜真却笑婆婆兩鬢新齒及但知常
愛日生還誰謂不逢辰休從鏡裡憐衰態且向尊
前數舊人此日因君戀松竹肯隨桃李復爭春

黃見河陳惺白兩廣文見壽用前韻賦謝

半過半百鬢毛斑高枕空林獨閉關自信小人宜
學圃誰云好鳥不歸山桑蓬却負人間世桃李應

嗤鏡裡顏且向澄江看新漲與君同棹酒船還

閒居咏懷奉寄黃士明黃亮垣韓緒仲三太
史

老向明時幸戮餘遙緘天上故人書杖頭欲問青
藜火鼎足誰分白玉除畢世雲坭空臭味半生丘
壑任居諸行唼澤畔身猶健剩作人間老蠹魚

寄懷梁斗華同人

閉門高柳日絲絲風雨懷人獨立時半偈曾參黃
面叟一官猶卧白雲司幾迴踏月趨金漏莫厭看

花醉王羈若向天南問遺老季來衡泌足棲遲梁喜

談禪
伏日招同李康侯黃見河陳惺白三廣文榕
溪泛集

宿漲平添蘸碧空一尊容與水雲中非關避暑逢
袁紹却喜談經盡馬融雨過溪花渾媚客晴吹汀
樹遠含風浮沉莫論人間世共向中流問織蕪

韓叔捷同人六十有一以詩見貽對使走筆
用來韻却贈

海屋驚壽添喜及辰江花江柳正鮮新携來度索千
年寶竈得蓬萊九斛塵環賜共瞻名岳伯尊開長
對老同人清朝已遣追鋒駕不用天南望紫宸

唐明府過小園留酌賦謝

鳴琴多暇喜徜徉結軫園林日正長爲愛疎狂寬
禮法每令顛倒着衣裳傾尊細按花間曲候月頻
飛竹下觴草木亦知同領畧芬芳長惹令公香

得報中考功令

拙宦應宜早乞身何因十載狎風塵閒居已遂陳

情疏吏議唯求避世人遠岫無心雲片片長林有
伴鹿牲牲莫言積毀堪銷骨自信孤臣是逐臣

其二

落日溪頭獨杖藜行吟何事鬢絲絲輸它喚作溝
中木蠹得長稱膝下兒塞馬不須論得失海鷗從
此莫猜疑閒來更喜身猶健且醉村醪讀楚詞

壽鮑瞻魯郡丞

半刺天南擁十城銓衡奕葉羨難兄戈船浪靜長
驅鱷海氣潛銷徧築鯨五世冠裳趨北闕一時恩

澤擅西京口碑自是華封祝不用尊前卜太橫

往余家金陵獲交於蕭崑陽民部今二十有
七年遠矣民部健飯難老彼此音問闕然甲
寅冬其介弟蕭還拙還泰和賦此往訊

當年結襪石頭城傾蓋空慙國士名老我孤生投
世網多君壯歲解塵纓山川已間丘中賞臭味遙
同物外情念別忽驚三十載空瞻南極一星明

癸丑守歲

爆燼簾前滿碧苔辛盤薦罷罷斗杓廻清尊已解驅

寒去盡角何須送暖來臘盡一句惟釀雨春前三
日已聞雷臘月二十七日立春今宵再按今季曆
爲數陰晴有幾回

甲寅元日試筆

獻歲慈闈喜不禁兒孫羅列酒頻斟春光欲換蟠
桃面雨色先催寸草心避世數年猶覺晚入山今
歲更須深憐春尚有江淹筆獨對梅花一醉吟

甲寅春興十章

危委橋橫舊釣臺疎籬短竹少城隈陽和一日不

虛擲花信幾時纔放來已辨芳尊傾北海閒携綵
筆賦南陔今春身較前春健日日斑衣舞十迴

其二

麗日穠陰入綺牕門前閒卧竹根厓綠移苔陣侵
棊榻香簇花魂護酒缸隔岼送晴山點點窺簾啼
夢鳥雙雙春情已懶春光老何事詩魔不肯降

其三

竹塢松關一徑通蕭蕭兩鬢賣花翁半生已種青
銅海數口今隨白兔公嫁樹和烟分密葉移栽帶

西園存稿 卷之七
用補疎叢東皇莫訝人衰老花國會書第一功

其四

數畝爲園榕水邊半農半牧半漁船
跛驢已熟尋梅路健犢能耕
養鶴田得酒但招蓮社客看花長
共竹林賢莫言閒處春偏鬧春到人閒更值錢

其五

今季別是一番春野色晴曛草色勻
何處提壺迎社鼓從教反舌惱花神
山林長物衰慵日耕鑿餘年暖活身
却笑春風亦隨俗人人吹得白頭新

其六

殘山剩水日婆娑誰送春光到
碎蘿地僻自宜佳客少花疎偏覺暗香多
林均草嫩鹿遊牝蓐薄柔
柔繭作蛾濁酒一壺琴一曲春聲翻入紫芝歌

其七

年衰自合痼烟霞贏得身閒歲月賒
竹下抱孫看鷓鴣籬邊呼鶴捕驚蛇
遊絲不綰漫天絮密葉能藏刺眼花
野老一尊同坐石商晴較雨話桑麻

其八

十日柴扉九日關
蘭階苔老石紋斑
晝長散帙惟攤飯
雨過拋鋤且看山
數畝老荒鏡鋪健
一溝新水柱棹閒
相逢莫問春多少
衰拙心情木石頑

其九

春衫寒褪試開襟
竹氣穿花潤壁琴
林密漸多交讓樹
巢疎不復有爭禽
調饑挑菜防傷指
小摘芣羹戒食心
老去詩腸堪辟穀
赤松黃石許相尋

其十

春波淡蕩舫縈迴
連日芳林錦作堆
地窄幸饒三亩水
林高更築一層臺
雞壇酒社年來濶
笋譜茶經手自裁
細囑漁郎休浪說
尋源恐有晉人來

甲寅秋興十首

一庭黃葉覆蒼苔
瑟瑟西風昨夜來
渡水夕陽雲色白
迎寒微雨鴈聲哀
生衣欲換砧先動
團扇新辭篋未開
自是多情情轉懶
楚臣休更賦悲哉

其二

飛飛田雀啁柴門
禾黍高低夕照閒
引兒孫扶鶴髮
笑披蓑笠導魚軒
洗牖竹下新秋漲
御食花

前老瓦盆舞罷萊衣頻顧影不堪回首鵲鴿原

其三

曾聞哲匠感蕭晨欲向彭咸問水濱十幅箋題
楚些一杯新酒薦靈均饒他積毀能銷骨留得恩
多未殺身莫笑一歸頭便白青山不負白頭人

其四

行野長歌蔽芾樛故將踪跡混樵漁携歸橐筆曾
焚草散盡餐錢爲買書何事老翁悲塞馬且呼小
婦饌江魚秋來幸有閒居樂繞膝分甘御板輿

其五

斷橋碕岼樹交加傍水穿林一徑斜暑意尚蒸溪
閣雨秋光先到野人家竹知風健曾辭籜菊爲寒
輕不放花却喜庾郎飽鮭菜穰穰何用祝污邪

其六

新涼一榻腹便便木序芝圖續舊編老去尚拈成
冢筆夢來猶賦衍波牋應憐白髮三千丈曾染緇
塵十二季秋色漸堪蘇病骨可能長辦杖頭錢

其七

西園存稿 卷之七
十一
膏盲泉石五經秋老我從人喚馬牛舉眼世情皆
水淡回頭罪過總風流古人以居官抄書爲秋聲
兩岼橋邊竹山色一簾溪上樓此日君恩真浩蕩
逐臣猶拜醉鄉侯

其八

八拙何須較八愚園公口拙手拙眼拙足拙官拙
拙居身閒一任鬼揶揄逢亥歲饒蝦蟇老向寅
士傳年避虎羆是歲有先地僻能令秋色劇天高轉覺
瑩之訟月明孤築場莫剪場苗去空谷于今有白駒

其九

江空木落片雲高獨立蒼茫首重搔故里幸分原
憲粟良朋空贈呂虔刀窺人狎鳥時時下抱葉寒
蟬日日號且向桂叢攬秋色幽香深處讀離騷

其十

園依綠水簇琅玕野色蕭蕭蒲石欄睡足暑消楠
瘦几髮疎涼到竹皮冠短筇長鏡閒生計老菊衰
蘭舊歲寒日日雞豚賽村社酒杯常得小團圓
魚根爲黃含光觀察題

西園存稿 卷之七
形幘綠鬢玉麟符何事烟波學釣徒戀闕豈忘捐
犬馬浮家不爲憶尊鱸貪看山色頻移棹閒逐桃
花未結眾醉卧一簑鷗伴宿垂楊深處月明孤

竹浪閣爲黃含光觀察題

數畝參差玉萬竿山童日日報平安翠巖疊疊晴
疑雨碧漲粼粼暑亦寒戛雪正堪風外聽捎雲宜
向月中看主人不是癡張廌何日停車共倚欄

寄畢孟侯侍御時余方廬先太安人墓

澤畔長歌澧有蘭故人遙在五雲端誰從天上回

青眼老向江邊泣素冠雪仗籠街銀印重霜臺映
日玉墀寒它年客滿平津後能否天南問仙鸞

重過海珠寺讀舊題

兩岼丹楓葉葉新重携尊酒賽江神黃金誤結依
劉客白髮誰憐哭漢人燈下僧雛休問訊帆前鷗
鳥尚相親舊題已付湘靈瑟何必遊人爲拂塵

留題大忠祠

落日荒祠一棹過菰蒲獵獵水增波山河百戰餘
孤劔日月千秋照五坡血灑雋周空望帝冤沉精

西園存稿 卷之七
衛未填河當年若遂黃冠請能否重來獨枕戈

朱季美萬伯文見訪小園以詩留酌

半幅蒲帆狎野鷗翩翩猶作少年遊
逢迎到處皆驩伯剝啄誰能問故侯
可是子猷須看竹倘尋安道莫回舟
十年雞黍盟猶在肯信交情嘆白頭

萬伯文以詩見投用來韻却答

剝水殘山木石居年來已廣絕交書
溪邊放鶴君應念竹下開尊席已虛
空谷烟霞聊共我春江花月且還渠
知君多是朱門客何日逢蒿一駐車

送朱季美萬伯文遊海豐

空江宿雨日霏霏二妙孤帆去若飛
海味縱諧休久住花期漸過好懷歸
總因設醴頻移棹肯爲歌魚厭採薇
携得橐裝誇陸賈可能重問舊柴扉

謝
過駱達叔湖園留酌夜歸燈下對使走筆賦

舊圃新堤十畝餘柴扉應擬草玄居
開尊日滿賢人酒投轄時來長者車
三徑已聞誇蔣詡五湖何必汎陶朱
篝燈不惜歸途遠掩映波光戀客裾

春日黎定宇姻家昆季招飲兩夕歸卽參橫
賦此奉謝時余有卜居西湖之約故并及之
白鶴峰頭紫氣屯德星驚報聚荀門論心喜對東
牀玉傾釀還同北海尊夜永街籌催短檠春和池
草茁芳蕪相過百遍君休厭我欲朱陳共結村

贈哲求館甥

懿卜鏘鏘叶晉秦癡翁快婿却相親封郎已覺超
楊相姚合何緣遇李頰君豈泉麻輕管蒯我因桃
李結絲絳羅浮亦是青城佐敢擬飛雲作丈人

過訪駱子儀子良勉叔達叔諸君子留酌賦
此奉謝

雞黍尋盟路不賒竹林群從卽君家前山倒影湖
心日遠水晴飛樹杪霞一徑爭啼秦吉鳥四隣皆
放荔枝花西園公亦西湖長斲去還來共釣槎
病中聞謝弼臺遊岱不能往吊詩以哭之

半世章縫次骨貧黔婁原憲是前身烟霞老我惟
孤枕肝膽論交少一人猪嘴關頭飛黑霧羊腸路
口舞青燐生平不下西州淚此日因君獨滿巾

寄潮州陸仰泉太守

福曜高懸瘴海鄉，治平今見漢循良。朱輪坐擁文
章伯，鼎席行參政事堂。千里洪河曾竊潤，三季鄰
壁幸分光。何時再駐葵門駕，顛倒溪頭薜荔裳。
寶安老友正所麥，君別余二十年遠矣。今歲
八十有九，過訪小園投詩見贈。時余買山之
資久已洗橐，坐客日散，尊酒日空，不能投其
轄。少酬其意，因用其韻得一詩，贐焉。正所嘗
爲余徵逐於少年場中，忽爾相逢，不勝蘇子

瞻浪花浮蓋之嘆，故稍及之。

何來一葉獨乘潮，湖海多君老史驕。我已竄身遊
鹿豕，君猶翹首問雲霄。窮途共說皆衰暮，覓句偏
能慰寂寥。却憶當年買歌舞，不須重語向山樵。

荅沈華伯參軍用來韻

美人驚說在西方，枳棘于今集鳳凰。好我忽投青
玉案，交神能問綠荷裳。晝永有山堪拄頰，官閒無
日不焚香。清朝久矣懸詩禁，莫向詩人辨苦良。
巧夕移舟合江樓，邀同黎定宇親家昆季汎。

集時定宇方謝去舉子業故戲及之

隔岍丹楓幾葉零迢迢銀漢渡雲輶且尋河朔同
逝著莫向湘江問獨醒雞黍已慙虛兩月茶瓜聊
共賽雙星多君不乞天孫巧謝却人間千佛經

黎定宇親家招飲白鶴峰陳孟嘉偶集

新秋結客共扶藜娛老亭邊酒一揮白鶴已隨人

共去片雲空與鴈同飛塵毛欲落逢驚座

孟嘉高談時人

比之燭跋頻移未解圍

王羲之

為語巖城休禁夜厭

厭不醉客無歸

初秋任渭宇李少鶴兩將軍招飲湖光亭

西湖秋色近如何落日輕橈載酒過緩帶元戎移
小隊長裾狂客共高歌纖纖新月窺霜柳颯颯香
風折露荷為問六如亭畔路香魂曾否復凌波

韓寅仲見過五石瓠留酌醉歸以詩見投用

來韻却答

相將暗噫復鬼我

南宋張易事

不醉其如白眼何却為

倒顛花骨句頰令淋浪鷺毛箋望洋莫咲蛙從鱉
問水誰憐公渡河欲向桃源頻繫楫可能傾釀共

狂歌

黃士明宮允假還詩以訊之

木落江空鴈影寒西來紫氣夢中看
遙聞負弩誼騶唱誰復停車問
鷗冠金馬可能淹吏隱奕棋曾
否似長安囊携食本錢餘幾我欲移舟乞一餐

李烟客歐嘉可黃逢永移舟招同黎館甥是

因小孫臺宴集浮丘舊社得梁字

落日蒹葭水一方泳思不復嘆無梁
五芝六草猶堪拾九路三階早已荒
老我自驕麋鹿性多君能

問菱荷裳相逢且挹浮丘袖潦倒同傾沆瀣漿

恭謁先師趙文懿公祠像溪山如昨池臺已
非後死謂何愾然永嘆

漫遊重問舊津梁猶憶摳衣晚沐堂繞足數聲雲
外磬低頭一瓣袖中香曾携紫橐辭金馬故覓丹

丘訪石羊

黃初平金華山人公故里也

爲問當年桃李客至今

誰復詠甘棠

歸自五羊乘月渡石龍市寄懷鄧玄度觀察

陳儀翔計部

七載離君老一丘白頭今作一身遊燈前水濶天
如汎帆底潮平月不流欲向剡溪頻棹雪誰憐南
國獨登樓美人室邇烟波隔何日同遊海上鷗

黃含光叅知奏最承 思思歸移疾數損書

問歸志浩然不肖萱念切依劉竊效古人稱
藥量水之誼兩干謁者更欲治裝歲暮言別

黯爾歸途瞻戀彌亟詩以申臆筆擲魂銷

嶺雲晴鎖戟枝寒善病時聞獨禁酸

問脾病峻者禁酸

閱已承三世誥殊恩應授兩僊丸籠中物已容洩

勃枕上師猶問綺蘭五嶺自肥公自瘦不妨休沐
更彈冠

其二

何事因人復遠遊蘆花楓葉水悠悠歸帆破浪船
爲馬戍角吹霜月似鈎斷木已甘溝壑辱冥鴻猶
戀稻梁謀自憐賣藥韓康伯亦向新豐學馬周

謁賀郡大父清白龍公

旌隼晴翻萬井烟駢駢五馬擁連錢同曹倚玉曾
三載把臂通家憶甘季老眼幸披千里霧白頭猶

戴兩重天應知黍谷春常滿四百峰頭得穩眠

其二

中原旗鼓憶相當並轡聯翩入建章自咲耦耕今
桀溺曾同題柱舊田郎千金不買長門賦六月誰
飛易水霜見說憐才更憐舊不妨顛倒着衣裳

其三

占斷青山卧白雲扶藜今喜見神君長裾已曳非
歌鋏翠幃曾聞不進蚊熊軾褰帷雙畫轂虎囊盤
綏五花紋願言九曲洪河濶絳老應先乞一分

其四

千秋大業擅文壇分郡重看試錯盤鱷水波光應
浩蕩蒼梧雲氣正瀾漫四郊休慮狼爲牧十邑從
今虎不冠爲問使君何所似冰壺徑尺月中看

哭廖永祚

有序

西園老友廖永祚將就窀穸其子元勳輩
遣急足以側理爲旌來乞書曰西園公先
子之所畏也余爲掩泣嗟嗟永祚余何以
旌之哉以年則望七而空以學則老於博

西園存稿 卷之十
士弟子不獲卒業而空以家計則一生落
托半世風流結客如雲揮金如土嘯歌杯
酒徵逐往來而空請旌之曰 皇明屢空
先生永祚廖君之柩四方來觀者皆謂名
稱其實亦異於不受命之徒撲遯終年求
田問舍作守財虜又或駕時而行矣朝出
建禮之門暮入光範之室如乞墦人一旦
無常即可稱屢實先生亦能携半通之綸
半寸之鏹以驕我永祚於泉臺中否耶獨
其子若孫生齒日繁生計轉拙麥舟之誼
余已媿於前賢練裙之悲誰能抱於異日
故書已復哭之以詩得五十六字一字一
淚不必多也嗟嗟古未有以側理爲旌者
有之自永祚始古未有以哀詞書於旌者
有之自西園公之旌廖永祚始若永祚者
亦可以瞑矣

相期白首憶交驩更憶綈袍范叔寒錐土止存新
馬鬣總帷空設舊儒冠百年同穴一坏易四壁啼

饑數口難尚喜有歸非我殞西州清淚不須彈

五日乘漲放舟赴尹冲玄鄧玄度陳儀翔龍潭競渡之約用玄度見懷來韻報之喜可知也

月帆斜日出林丘惡漲初消事遠遊白晝龍蛇曾起陸空江簫鼓正從流尋盟却喜大中節把臂應同海上樓爲報主人休讓席且將踪跡混沙鷗

戊午夏五月六日過訪鄧玄度如水居偕陳儀翔雷酌用玄度韻賦謝

盈盈一水獨根尋誰謂窮交有市心却掃已知句癖逃名何必入山深客從東道知賢主誰向西歸問好音共說交情淡似水相逢猶覺語移陰

其二

何來襍襪下車逢不用金盤浸白龍熱客叢中容冷眼火雲門外幻奇峰敲燈半落窺簷月報曉驚聞隔水鐘見說蒼生問高枕崑居休遣碧山重

又用玄度韻

曲峽寒潭處處幽諠天簫鼓滿洪流蘭橈似馬畫

西園不刊 卷之十
三
中去寶幄如雲鏡裡遊莫向急流同習競且憑濁
酒暫銷愁良辰樂事知能幾何必乾坤到十洲

戊午初度寶安陳儀翔鄧玄度觀察以詩見
壽用來韻附使却謝凡四章

有序

犬馬之齒甲子幸周山澤之臞形神俱瘁
方嗟日迫豈以壽聞蓋絳老辱在泥塗而
楚丘困於裘索何期二妙遠錫百朋筐篚
克庭文有其質珠璣迸地情見乎詞念老
驥之餘年尚欲加其鞭策撫枯松之晚歲

期不改於風霜雖曰心長其如髮短媿先
一飯尚勗千秋竊申臆於報章敢步塵於
來韻對使走筆望水停雲我已疾行君其
掩口

丘壑尋盟共歲寒相逢休咲鹿皮冠雄心不擲梟
盧雉枵腹曾吞熱鐵丸四印養生慙魯直三江飲
水老張翰問君妙覺庵中像笠屐何時入畫看

其二

拙效原稱猜謗徒持錐何事欲食壺癡頑自享千

金帶索莫常披五老圖却咲馬援携蕙苴以轉憐白

傳斷甌沽

馬白二公時皆六十

當年紫氣關前客亦有新詩

刻畫無

二公以青牛圖爲壽

用鄧觀察韻

其三

喜無恠事不書空六十行年嘆五窮任世曾爲牧
犢子出門長作奪牛翁千秋大業君應在三徑幽
尋我亦同白首相期好身手不知誰據素王功

其四

嗟君猶憶紫薇郎老廢方知禍福鄉何日持更逢

刺史不須問道向庚桑投瓊共訝來雙壁會面猶

思累十觴老我移家向通德爲憐今喜有元方

來書

已爲園公卜築黃旗峰下

用陳計部韻

梁翼明廣文以詩見壽用來韻却答

雙魚不遠隔江來一札虛題五可才
問茵自憐餘犬馬投珠何事到蒿萊
烟霞老我惟高枕風雨懷人數舉杯
若向剡溪覓安道桂叢深處白雲隈

戊午初度車宜仲內兄偕羊鵝二城諸君子
爲笠屐圖以詩見壽賦此奉答

把鏡驚看白髮微應知五十九年非投懷珠玉形
原穢觸日烟雲滿紙揮自咲疎慵真潦倒漫言衰
朽本芳菲杜句開圖莫道吾非故却是園公善者機

其二

北山高卧腹便便六十行年又一年老態幸非樊
內雉宿根應是火中蓮鹿麋心性溪山債土木形
骸魚鳥緣欲乞新詩再描寫網簾龜枕蓼花邊

勲姪瑩兒堪臺兩孫偕試棘闈詩以勉之

汝輩誰爲萬選錢家聲世澤正連綿亦知堂構能
無墜敢謂兒孫不乏賢漏促喜聞金鑰動雨深應
沈綵毫鮮試風莫道兒駒健萬里追風更着鞭

八月十五夜兒輩試畢宿浮翠堂家宴對月
露下天高夜色新林光掩映水粼粼九霄正喜無
緘翳萬里同看已滿輪桂闕影隨飛蓋客冰壺寒
對方珠人應憐此夕高寒處好與霜娥仔細論

其二

綵筆翩翩凌紫氛開尊繞膝共論文更嚴畫角悲
能語地僻清砧寂不聞誰散天香飛桂子人從玉

宇集仙群相携佳句酬今夕領畧秋光已十分

奉贈雲河張侯入覲二章

有序

侯令博羅三年有成矣歲戊午以述職行
計當侍從 明廷父老子弟豈能從萬里
外借寇乃相率而攀轅於榕水之濱不肖
萱一門老少受恩最重報恩未能竊令子
若孫採民謠私相頌術咸以詩進題曰榕
水攀轅誌思也亦誌德也復竊有感焉博
羅瘵邑也當事者往往欲易民而治侯下

車曰此庸人擾之耳一意拮据亦一意無
循布寧靜之政養和平之福四境之內大
事易爲小事小事易爲無事三年一日也
侯嘗謂萱令不能易民第能易事足矣然
明察徹於蔀屋慈惠浹於覆盆而一介不
取可質鬼神故襄陵之水不能災伏莽之
戎不能震亦三年一日也今侯行矣不可
復借矣徼天之幸繼事者不易侯之民亦
能不易侯之事不腆下邑其有瘵乎詩旣

奏復以數語介之若曰阿私所好亦何詞
與有

兼葭一水露為霜驚冕 朝天驛路長卧轍共號
眞父母臨軒今 召古循良五年縣譜傳京兆兩
地刑書稟素王 侯以春秋家名 海內再仕博羅 見說使君清似
水好將榕水薦離觴

其二

經浮循吏有名儒歲閱驚聞賜 璽書旣似范雲
惟茹蘖室如言偃有懸魚頻年災沴勞煦沫闔境

凋殘苦拮据何日雙旌復炎海二天長庇老樵漁
贈黎是因館甥阮唯仲中表侍試南宮望之
勉之情見乎詞

乘風萬里孝廉船二妙翩翩去若仙踏月玉街今
並轡看花紫陌莫停鞭騎鵬已報三清近賦鳳新
裁五色鮮從此科名共增重肯將溫飽愧前賢

戊午初度顧鄰初太史以文見壽賦此奉謝
十年不折嶺頭梅誰擲瓊瑤萬里來野老江邊驚
問歲故人天上獨憐才論交已覺夔龍遠努力其

西園存稿 卷之七
如犬馬衰誓托千秋報知已尚留慧業未全灰

其二

水御雲錦照蒿藜三十年前舊品題我自夢中瞻
袞繡君能天外念塗泥百年任世真蟲臂一壑藏
身學馬蹄欲采白雲逢潤筆天高海濶不堪携

鄭松門太史以詩送其里人紀貞石司訓歸
善弁以見懷賦此附謝

金風颯颯送霜砧萬里停雲思不禁北闕豈煩

明王夢西方猶有美人音看君劔珮星辰近老我

山林歲月深珍重交情足千古却從天外問遺簪

寄懷焦弱侯太史時弱侯以空名參軍粵閩
者十年矣懷賢狗知情見乎詞

爲憶青宮冠集英祇應白首領蓬瀛玉皇香案長
虛左巒府英僚尚借名千古文章原寂寞一時項
領任崢嶸羅浮老友心香在夜夜天南禮紫清

寄懷米仲詔計部畢孟侯侍御兩社友

齊盟狎玉廿餘年聚散升沈思惘然碣石海邊雙
砥柱金華殿上兩詩仙宮雲苑月還依舊奕品書

評自勝前二君皆以書奕擅名萬里夢懸何所憶畢家秣甕米家船

寄懷湯嘉賓太史社丈

夢魂不到紫薇天却憶雞壇索賦年自是入宮皆見妬敢云同病更相憐滄溟力破風霜挾錦繡堆成日月懸漢室于今買詞賦文園應起枕遊仙嘉賓

有睡庵集行世

寄懷朱元价太史社丈

上林棲老却知還千仞翱翔不可攀萬斛詞源渾是海半生筆塚豔於山厭聽噪鵲辭彤管懶着盤鷗冠玉班夜夜撼風鈴索急西清何事放人間

寄懷西省舊寮吳仁仲水部

栖栖鍛翮尚驚弦自咲蒹葭倚玉年綵筆曾吟紅葉句青藜同照白雲篇悲歌我已辭燕筑戮力君應着祖鞭爲問玄冥賢使者窮源曾否有張騫

戊午初度曾澤卿太史親家從金陵函文走幣見壽賦此奉謝并訊弄璋之喜

去年此月歌三疊此月今年寄八行問齒我慙臣
髮短賜環君拜 聖恩長南牀不覓烏衣坐北院
猶虛白玉堂翹首雙魚慰飢渴握蘭須報夢中香
寄懷江藩學憲黃貞父

龍門何處鬱相望南浦西山帝子鄉簾外落霞長
掩映樓頭綵筆正飛揚高名且緩求荆氏巨室今
聞得豫章我輩寸心千古事大宗師是魯靈光
寄懷鄭龍輿比部

凌雲奏賦白雲郎蹠躩春風入建章兩邑甘棠人

墮淚三司丹筆獨含香趨朝不謁牛仙客歷試曾
聞薛許昌貫索已空烽火急問公何計落欃槍時

星示
數

黎是因館甥計偕北上海內舊遊不能治書
徧候倘有見訊者幸以此詩語之

相逢若問西園老地僻林深客少過住世白頭猶
雙鑠凌雲綵筆更嗟峨著書幸有名山托抵戲時
聞俗眼訶爲語年來最煩惱酒魔終日競詩魔

戊午守歲

西園存稿 卷之十
餘寒接夕雨聲頻却喜星迴霽色新不向盤鈴看
傀儡且將詩句賽童侏律窮尚戀半宵臆曆換先
開十日春得歲不須憐失歲白頭曾作少年人

其二

畫角寒嘶玉漏沉煖生殘臆且開襟階梅已放爭
舒素櫪馬無誼憶盍簪短燭頻燒驚轉斗深杯共
把到橫參今年筆札今宵祭賈島事爲祝明年莫苦

吟

己未元日西園雨中試筆

春雲漠漠漲遙空溼灑陽和麗冢中出谷嬌鶯啼
密樹依人馴鶴舞芳叢膠牙餠嚼霜華脆藍尾尊
開栢葉濃何事迎年却迎雨憑誰暄冷問東風

其二

條風吹雨啓三陽軟節寒生薜荔裳岼草已添新
歲色籬花應洗隔年粧休將白髮頻窺鏡幸有青
山對舉鷓鴣花事一年今日始咲拙綵筆試平章

正月十四夜曝書臺候月不至

春遊午夜正踟躕秉燭登臺思黯然塵匣未開天

上鏡星橋惟放火中蓮
歌聲舞影爭相媚
雨意雲情轉可憐
恠底嫦娥亦羞澁
清光不到酒尊前

正月十五夜清音閣宴集符迺九廣文改席
多績堂步月觀燈

春郊步屨共逶迤
放夜巖城淑氣移
萬樹網雲籠鶴燄
一庭璧月浸皐比
喜看今夕冰成繭
莫問前宵雨濯枝
自咲白頭真勃窣
亦隨人踏五花兒

正月十六夜燈下獨酌是夕爲耗磨之辰昔
人多有耗磨日飲酒詩

二室殘燈兩鬢皤
衰慵始覺耗磨多
欲噓冷燼添檀炷
且避香風競綺羅
爨稭誼膈膊燈前
下戲伽陀爲言上月春纔半
莫遣春光亦耗磨

暮春望湖樓宴謝諸縉紳潘隆宇先生不至
以詩見投用來韻却荅

擁樹歸雲拂檻來
樓頭暑意漸恢台
驚看麗句傳金甌
不見高軒破碧苔
望水祇應長把臂
論文何日更啣杯
西園剩有王猷棹
欲向青山共剪裁
吳興閔諫廷來遊
羅浮以寶安尹用平同人

書至與鄧觀察玄度皆損詩貽之且見訊西園公此遊當不落莫矣余方苦日青諫廷工鼓棊又以醫名因問諫廷此白眼老子不知兩瞳亦可方否若峩峩洋洋之音西園公尚能觀之請舍石室不必更尋稷丘公也

羅浮之山南海邊清秋有客來攀緣我欲從君乞金篦君其爲我揮朱絃夜眠不伏丹竈火相對但誦黃庭篇旗峰仙侶杳何許何不携手飛雲巔用平

諸君訂羅浮之遊已遊已不至

過白鶴峰追和東坡先生新居成步韻二章

數椽正瞰蛟龍窟九死曾排虎豹關磨蝸半生留瘴海癡仙畢世在人間濤翻怒石晴飛雪翠滴頽垣雨過山夢裡新豐已相識長安天上不須還

其二

影堂秋寂蟹啼戶丙舍更寒水照燈毀積總歸三寸管恩深空抱一條冰胸山石室鳴琴婢瑞草溪橋守墓僧羅帶劒鏗渾似舊割愁繫悶亦何曾

鄧玄度以荷池同丙弄孫聽雨詩見示用來

韻答之

內讌長開獨閉門紅粧戰雨滿芳園
林間風氣案前婦花下寧馨膝上孫
誰散餘霞供綵筆且將磊砢付清尊
懸知北叵舍飴者咲問翁今舌尚存

潘隆宇六十有一

南極星高甲子周西湖松菊正宜秋
青瑣寒照鬢邊雪綠玉閒携杖上鳩
曾說騎驢尋洛邑不須跨鶴問揚州
一尊三祝慙蒲柳能否相從汗漫遊

潘閭事閩
揚州人

壽陳石渠明府

天南福曜照羅浮爲政風流有太丘
綵筆凌雲曾入夢冰壺映日正宜秋
簾前草滿言游室柳下琴鳴謝眺樓
采采芙蓉敷三祝文禽今已到前洲

陳石渠明府在書先訊詩以謝之

使君高誼如山丘緘書遠訊何綢繆
自憐懷刺向誰是我欲索賦從君遊
半生久已負七尺一日便可成千秋
爲擊唾壺歌伏櫪起舞幸有雙吳鉤

李念劬觀察分俸貽書見和小園春興六詩

并詢宿憾訟事時方聽讞在宥賦此附謝故
篇中數致意焉

三曹倚玉十年前寇借侯東正受塵伏枕未能隨
竹馬束金何意免蒲鞭相逢狐貉皆三窟辛脫刀
砧有二天泣血迸空瞻袞繡回頭驚拜白雲篇

其二

江風獵獵滿朱旗綵筆遙臨白板扉載鬼一車逢
二憾負塗羣豕競三尸投懷白雪難爲和行脚陽
春喜有私從此覆盆能獲照應憐堂下何隅悲

冬日偕尹用平同人過鄧玄度紫烟樓以兩
歌鬟侍飲得十五刪時諸縉紳爲瑤池圖以
壽鄧太夫人故稍及之

紫烟樓畔月初彎家釀頻傾共破顏梅放淡香檀
蕊小苔侵團碧玉紋斑青衫舊淚憐司馬翠袖新
裁學小蠻遲日瑤池集仙子好隨青鳥獻雙環

淡香皆
亭館名

玄度以詩責償卜築之約用來韻答之

賣文曾辦買僉金故國移居始自今欲向烟霞尋

舊侶况逢山水有清音飛鴻踏雪仍留跡倦鳥移
巢却擇林莫恠繞枝猶未定啜醢漁父已知心

徐念陽觀察以長至前一日招飲賦謝

牙繡麟符碧憶車緇衣舊好及樵漁時情祇合供
棊局往事何辭蒲篋書不惜青黃加朽木謾勞鐘
鼓烹爰居殘灰已冷葭灰動欲向初陽借一噓

其二

使君高誼薄秋旻千古交情淡更真設醴豈憐歌
飲客掃門應媿閉關人深談勃窣頻前席老態歌

傾欲吐箇恠底尊開疑挾纈明朝黍谷正回春

至日珠江聞遼警

不書雲物不登臺萬里濤聲隔岸來共說荔生曾
結蚓何因蚊響尚成雷一年消息葭灰動亞歲芳
菲柳色催爲憶玉關吹月笛不知曾放幾枝梅

謁謝王虞石直指四章

長驅直指尉佗鄉赤幘朱衣賜執囊父老喜瞻今
繡斧謳歌猶載舊甘棠蠻烟翠擁青驄影炎海寒
生白簡霜熟路埋輪日多暇凌雲綵筆正飛揚

其二

暫輟班心出漢宮
遙天獨鶻五雲中
三騶已控籠
街肅八印今提按
轡雄藜藿蒲山瞻
伏豹烟霞落
紙羨遊鴻
公喜臨池
爲霖共喜公田畢
涓滴猶私及老農

其三

萬里巡方叱馭時
南牀專坐亦稱癡
論文每發諸生篋
把筆常裁幼婦詞
雲覆香條森老栢
霜催脆味入佳梨
文章司命臺中彥
可是當年王仲儀

其四

東來烽火近何如
薺食先憂廿載餘
見說拊髀頻授鉞
憑公造膝更牽裾
救焚誰是焦頭客
竭澤應憐赭尾魚
願得還朝復南顧
福星長耀斗牛墟
鄧伯喬韓孟郁區
區啓圖同集黃元卿
淥水草堂得龍字

老去交窮萬事慵
疎林把臂斲從容
文章共喜人爲豹
磊砢頻澆酒是龍
歷歷青瑤浮篠簜
粼粼寒玉照芙蓉
尊開尚有黃花在
莫競人間桃李穠

文凝谷幕中偶作見示步來韻却贈

狂頰看山覓句忙相逢何必問行藏雄心自是官
情薄傲骨由來俗眼妨我輩生涯惟寸管人間約
法有三章知君不少飛揚意一羽雲霄萬里長

劉覲國觀察于役還里先覓見訊詩以復之
分携却忘在何年鴈影萍踪思杳然岐路風塵天
地滿人間暄冷歲時遷驚看畫戟誼驅駑更念緜
袍損俸錢爲問使君湘漢主桃源曾否一迴船

壽河和陽叅戎

光分南極炫雕藥上將星明紫氣團一劔雄心常
報主千秋大業獨登壇旌旗畫偃鯨波息號令霜
飛虎帳寒尊酒與君稱壽畢長纓何日繫三韓

寄懷潮陽同人黃元宇黃玉田兩方伯林仰
晉給諫張惺初觀察

蓬飄萍散幾星霜寤寐常懸月照梁同籍君皆衣
錦客敗羣我是觸藩羊浮雲變態緣何事春夢回
頭有幾場最羨鳳城歌四鳳一時千仞共翱翔

西園存稿

卷之七

三

